

## Raad van Advies: Dentro di un decada e fondo di biehes lo agota



Pagina 2

- **Fraccion AVP ta bandona sala durante reunion riba costo di bida**

Pagina 3

- **LABHOH prome den Caribe cu rapport di resistencia antibiotica pa RIVM**

Pagina 7

- **Colombia ta aclaria cu Guaido no ta invita pa conferencia tocante Venezuela**

Pagina 11

## Colegio Sagrado Curason campeon di volleyball den Weganan Interinsular



Pagina 16

Inspector di impuesto Hulandes ta bisa cu  
mester aboli sistema di beneficio social



Pagina 9

Guus Weltings y Piet van Oosterhout lo core  
Ronde van Aruba pa Trampolin pa Trabou



Pagina 2



## Elmar ta pidi na comunidad pa ta consciente di consumo di coriente

**Den un comunicado prensa, gerencia di ELMAR a informa comunidad cu entrante 1 di mei 2023, e prijs di coriente ta baha cu 7.1% y cu e reduccion aki a bira posibel debi cu e tarifa di compra di energia cu ELMAR ta paga na WEB a baha.**

Na 2022, nan a anuncia un aumento di prijs di coriente debi na factornan internacio-  
nal fuera di nan control cu a influencia e costo di genera-  
cion di energia substancial-  
mente. Sinembargo, awor cu  
nan a logra negocia un miho  
tarifa di compra di energia  
for di WEB, esaki a crea e  
espacio suficiente cu ta per-  
miti ELMAR baha e prijs di  
coriente pa consumidornan.  
ELMAR ta cumpra e energia  
cu WEB ta genera pa asina  
ELMAR por transmiti y dis-  
tribui e coriente den tur bario  
di Aruba.

ELMAR tin comprension pa  
e impacto cu e aumento di  
prijs por tin riba presupuesto  
di cada persona of famia y  
segun nan ta afirma, nan ta  
spera cu e reduccion aki lo  
duna algun alivio. Nan ta pidi  
na comunidad pa tuma nota  
di e tabel cu ta indica e prijs  
nobo di coriente.

Igualmente nan a enfatisa pa  
recorda na nan clientenan pa  
ta consciente di nan consumo  
di coriente y unda ta posibel,  
pa tuma pasonan pa reduci  
nan uso. Accionnan chikito  
manera revisa cas pa saca  
plug of paga aparatonan cu  
no mester ta cendi por haci  
un diferencia den reduccion  
di factura di coriente.

E reduccion di prijs den tarifa  
di coriente ta un topico cu ta-  
bata den boca di pueblo pa al-  
gun dia despues cu instanci-  
anan a informa cu e aumento  
tabata pa 6 luna solamente;  
pero tempo a pasa y comu-



nidad no a scucha nada mas,  
loke a bira un discusion en-  
tre e ministernan encarga cu  
Economia y cu Energia.

Minister Geoffrey Wever dia  
30 di maart a declara cu nan  
a ricibi un carta di ELMAR  
unda ta duna un propuesta pa  
rebaha di tarifa di coriente y  
tambe nan a haya un splica-  
cion di dje.

Den un comunicado pa pren-

sa di dia 29 di maart, minis-  
ter Wever hunto cu minister  
di Energia, Glenbert Croes  
a splica cu den luna di juli di  
aña pasa, WEB y ELMAR a  
informa Gobierno di Aruba  
cu como consecuencia di e  
aumento di prijs di petroleo  
riba mercado internacional,  
mester aumenta e prijs di awa  
y coriente mester.  
Segun Gobierno di Aruba a  
sigura, nan verifica tur calcu-

lo y cifra financiero y a duna  
un aprobacion di 6 luna pa  
aumenta e prijs di coriente,  
bao di condicion cu dia 1 feb-  
ruari 2023 mester reevalua  
esaki. Pues e aumento ta va-  
lido te cu 1 februari 2023. E  
aumento aki tabata necesario  
pa garantis e suministro di  
awa y coriente na Aruba.

“Mirando cu no tin un apro-  
bacion di Gobierno di Aruba  
pa un ahuste di e prijs di cori-  
ente pa e periodo despues di  
1 februari 2023, e facturanan  
cu ELMAR a emiti over e  
luna di februari 2023 ta den  
violacion di e concessievoor-  
waarden y nos a informa EL-  
MAR na varios ocasion di  
esaki a traves di varios carta  
cu mi a manda ELMAR den  
number di mi mes como e  
minister encarga cu tarifa se-  
gun e concesion y tambe den  
number di colega minister  
Glenbert Croes cu ta encarga  
cu energia di Aruba”, segun  
minister Wever.

## Guus Weltings y Piet van Oosterhout preparando pa core Ronde van Aruba *Pa recauda fondo pa Trampolin pa Trabou*



**Dia 12 di mei ta bay  
tuma luga e di 31 edi-  
cion di Ronde van Aruba.  
Guus Weltings y Piet van  
Oosterhout ta preparando  
pa participa den e gran  
evento, pa recauda fondo  
pa e fundacion Trampolin  
pa Trabou. Den un entre-  
vista cu Bon Dia Aruba nan  
ta conta di e meta y con  
nan a yega na e iniciativa  
aki.**

Guus Weltings ta traha como  
un account manager na The  
Lab marketing agency y Piet  
van Oosterhout ta un do-  
cente na scol primario De  
Schakel. Joey van Leeuwen,

nan chauffeur durante e  
evento aki, ta traha actual-  
mente na Marienierskazerne  
na Savaneta.

E pareha di tanto Weltings  
como di Van Leeuwen tambe  
ta traha como docente na scol  
primario De Schakel y asina  
e grupo a cera conoci otro y  
a cera un amistad. E partici-  
pantenan a yega di hunga fut-  
bol hunto tambe cu e ekipo  
S.V. Mercurius Aruba.

E enfoka di e iniciativa aki,  
nan a splica, ta pa recauda  
fondo pa e fundacion Tram-  
polin pa Trabou, un funda-  
cion cu ta duna personanan

cu discapacidad un miho  
oportunidad pa haya un luga  
den mercado laboral na Aru-  
ba.

Nan a sigui conta cu Welt-  
ings y Van Oosterhout tabata  
pensando caba di participa  
den Ronde van Aruba, cu e  
ayudo di Van Leeuwen como  
nan chauffeur pa hopi tempo  
caba, pero nan tabata kier nan  
participacion tin un rason  
special.

“Nos a haya e rason ey ora  
cu nos a cuminsa papia di re-  
cauda fondo pa un fundacion  
local,” Weltings a indica.

Nan a scoge Trampolin  
pa Trabou pa motibo cu  
Oosterhout tin un ruman  
cu discapacidad cu ta biba  
na Hulanda. Personanan cu  
discapacidad tin menos opor-  
tunidad pa haya un trabouao  
den e mercado laboral, y na  
Aruba e oportunidad ey ta  
mas chikito. Pa e motibo aki  
nan a scoge Trampolin pa  
Trabou como e fundacion lo-  
cal pa cual nan lo core Ronde  
van Aruba.

Segun nan ta splica, Trampo-  
lin pa Trabou lo usa e placa cu  
nan recauda pa mehora nan  
facilidad. Nan lo renoba un  
unidad di container pa nan  
por duna guia y training na e  
personanan cu discapacidad.

Ademas di esaki nan tin mes-  
ter tambe di mesa, stoel, airco  
y mas cos.

Apart di e renobacion di e  
unidad di container, tin otro  
facilidad cu tambe tin mes-  
ter di un mehoracion. Algun  
di esaki ta inclui e dak di un  
veranda cu ta completamente  
putri; pero tambe mester dre-  
cha e cushina profesional cu  
e fundacion ta usa pa cushina  
cuminda pa por yuda cubri  
nan gastonan, pa por cumpli

cu e criteria di certificacion.

“Trampolin pa Trabou no ta  
ricibi hopi subsidio pa nan  
por haci nan trabou, dus nan  
echt mester di tur e ayudo  
cu nan por haya,” Weltings a  
agrega.

Pa mas informacion y con pa  
haci donacion por bishita nan  
pagina di Facebook ‘Down  
the Road Aruba’ of nan web-  
site [downtheroadaruba.com](http://downtheroadaruba.com)






## E mesun parlamentarionan cu a yama pa un reunion publico tocante costo di bida a bandona sala di Parlamento

Debi na un peticion cu partido AVP a haci pa parlamento na luna di augustus di aña pasa, ayera a tuma luga un reunion publico tocante impacto riba poder di adkision pa costo di bida na Aruba. Durante e reunion a bin dilanti diferente preocupacion di parlamentarionan, a transcuri cu acusacionnan di un banda y otro.

E prome orador tabata lider di partido berde, Mike Eman, ken a sigura cu esnan mas vulnerabel den comunidad mester haya cuido y proteccion. “Awe lamentablemente, e concepto y consenshi cu esnan di mas vulnerabel den pais aki, cu ta riba un bijsstand, pensionadonan, esnan riba un salario minimo, mas di 50.000 ciudadano ta sufriendo na e momentonan aki di un pobresa penoso,” el a bisa.



Segun Eman tambe a sigura, e pobresa “penoso” aki a cuminsa na 2017 segun cifranan di Central Bureau Statistics cu ta marca cu esey ta e momento unda cosnan a cuminsa cambia den e pais aki pa esnan mas vulnerabel. “Na 2017 a cambia e prioridad di e pais aki di sirbi bon comun pa bay sirbi interesnan particular, interesnan aheno cu e interes general di e pais aki,” Eman a señala.

Igualmente el a trece dilanti cu e realidad di e dolor di esnan mas vulnerabel den comunidad, cu nan a “mir’e, ta sinti’e y kier haci un diferencia, y e gobierno aki no kier haci un diferencia. Al contrario, tur dia mas medida y mas consecuencia pa nos ciudadanonan. P’esey nos a solicita e reunion aki for di augustus pa nos por articula e dolor aki di casi e mita di e pais aki cu ta bibando den pobresa na e momentonan aki.”

Den reunion, presidente tabata Raymond Kampervén debí cu Edgar Vrolijk tabata den funcion di parlamentario miembro di fraccion di MEP, ken a sigura cu parlamentarionan di AVP “ta desconecta completamente for di mundo na unda un pandemia a tuma luga y un guerra te ainda ta continua y nan ta tira culpa riba gobierno.”

El a cuestiona diferente ac-

cion cu partido AVP a presenta, como e ‘Plan di Rescate,’ pa pueblo keda leu di esaki “pasobra su desaster ta di 30 aña y despues e kier culpa tur hende. E daño financiero ta ireparable pa pais Aruba, e costo di bida ta mara na esaki tambe, nos imagen internacional ta na werki pa corrupcion,” el a comenta refiriendo na e lider di AVP, Mike Eman.

Tambe el a lamenta cu e tipo di reunion aki mester a tuma luga, debí cu segun opinion, “no tin niun tipo di contenido.”

Di su parti Misha Raymond di partido Raiz a señala cu pobresa na Aruba a conoce un desaroyo y cu tin hogarnan cu ta sufrí financieramente. El a dirigi preguntanan na minister di Labor, Glenbert Croes tocante salario minimo pa ora, con a para cu esey y con leu ta di e proceso aki.

Na minister di Asuntunan Social Rocco Tjon el a indica cu un di e causanan mas grandi pa depresion cu pensamentonan suicida cu sintomanan hancra den trastorno ta stress financiero. “Mirando e desaroyo di finanzas den hogarnan y e preocupacionnan cu tin, con leu minister ta di ehecutacion di un plan di suicidio na Aruba y si por duna un update di Family Justice Center.”

Aquanette Gunn di partido MAS a trece dilanti cu comunidad ta confronta tur dia cu e situacion fastioso cu pobresa cu Aruba tin, pero e ta haya importante pa para keto y analisa cu e situacion di pobresa na Aruba no ta un topico trata un biaha so den sala di parlamento. “Pa añanan caba nos ta papiando di un situacion di pobresa. Nos ta papia di purba di bin cu alivio pa asina contraresta, pero no por a logra te dia di awe pa nos bin na un forma structural y sostenibel con pa nos caba cu e situacion di pobresa y cu den 20 aña diferente medidanan a bin tuma luga.” Su preguntanan ta con a para cu tur e medidanan aki cu a keda imponi riba e pueblo? Kico tabata e aporte di e medidanan aki pa por cuminsa traha na un forma structural pa por contraresta e pobresa cu tin mas di 20 aña ta reina na Aruba, principalmente cu un debe di aproximadamente 6 biyon florin?

Miguel Mansur di Accion 21 a expresa cu esaki ta un reunion cu a tuma luga ocho luna despues di e peticion y ta lamenta con e organo mas halto di sistema constitucional ta funciona, bisando cu e no tabata kier pensa cu e presidente di Parlamento ta mal usa su poder di yama un reunion pa gana puntonan politico. “Unabes Staten ta opera di un forma partidista

pasobra tabatin un fecha di corte y te ora ta cumbini un cierto partido mas grandi den coalicion pa pone yama un reunion despues di ocho luna, e ta refleha hopi malo y e ta kita confiansa den instituto aki, ya cu 25% so di nos poblacion ta aproba Parlamento di Aruba, y si nan ta wak historia tin mas evidencia di pakico,” el a comenta.

E reunion aki, cu supuestamente tabata pa trece dilanti solucion, discusion y pregunta tocante costo di bida a bira un tiramento di palabra di algun minister pa otro parlamentario di partido contrario, mustrandó e nivel di politica na Aruba.

Durante transcurso di reunion maratonico aki, den oranan di atardi por a mira cu mayoria di e miembronan di AVP cu a solicita parlamento pa bin trece e topico aki den un reunion a bandona e sala. Tambe a haci pregunta na e ministernan presente, y den nan contesta algun di nan a desvia di e tema principal y otronan a contesta al caso.

Ki dia e recorte di 5% ta bay caba pa dunado di cuido a bin pa minister di Salud, Dangui Oduber ken a contesta cu e recorte aki a stop y nan a informa nan caba. Instancianan y dunadonan di cuido a haya mas placa durante aña 2022 den comparacion cu aña 2020.

Den e cuentanan anual cu a comparti cu parlamento, minister Oduber a sigura cu hospital a ricibi 3.1% mas a pesar di e recorte, ImSan tambe a ricibi 6.6% mas, gastonan di laboratorio tambe a subi, entre otronan cu el a menciona. “No obstante e situacion dificil cu tabata aden, nos a percura pa haci no solamente inversion den cuido, pero tambe cumpli cu e peticionnan cu tabatin pa percura pa tin e placa disponibel,” el a bisa.

Minister di Labor, Glenbert Croes den un di su intervencion a solicita na Mike Eman pa retira di e partido y di politica y a bis’e “no laga e historia doloroso aki den politica ripiti, unda hobennan ta impedi pa pone nan stempel riba e politica di futuro. Pasobra con cu bin y con cu bay, nan ta e generacion di relevo, nan lo bay percura pa e futuro generacion, pero tambe nan lo bay percura pa e bieunan cu lo ta birando grandi durante e tempo cu nan ta haciendo nan gestion desaroyando nan carera politico sirbiendo nos pais,” el a expresa.

Pa finalisa el a enfatisa cu costo di bida ta doloroso y e hecho cu tabatin tur miembro di Gabinete Wever-Croes sinta den parlamento hunto cu coalicion, “esey ta refleha e seriedad pa locual nos ta atende e realidad doloroso aki.”



*Segun Raad van Advies:*


**Si no bin cambio di politica, dentro di un decada e fondo di biehes lo agota**

**Den e relato anula di 2022 cu Raad van Advies a entrega recientemente na Prome Minister, Evelyn Wever-Croes, e organo ta elabora ariba e desafionan cu e problema di embehecimento na Aruba te trece. E retonan cu ta surgi di otro banda di e demanda di economia ta particularmente relaciona cu e estructura di cuidio.**

Inspira pa, entre otro, e problema crea den e mercado laboral, Raad van Advies ta indica cu ta bay tin presion cu lo sigui crece, cu ta bay surgi ariba e crecimiento economico. Embehecimento y agrega na dje e escasez continuo den e mercado laboral ta haci e economia ta crece mas poco poco of hasta por disminui.

Otro preocupacion den e aspecto aki ta cu e escasez den e mercado laboral por hiba na un deterioro den e servicio presta pa e producto turistico, cu consecucionan negativo pa e calidad di e producto entrega y na final e prijs tambe.

E entidad ta remarca saliendo for di e evolucion demografico, den un participacion



di empleo igual na edad, e cantidad di persona cu no ta traha compara cu e cifra di trahadonan den futuro lo aumenta.

Aunke cu e problema di embehecimento e crecimiento di PIB per capita probablemente lo bira mas dependiente di e desaroyo di productividad di trabao, y riba largo plaso e porta e impulso tras di un crecimiento economico, e pregunta ta si esaki ta conta pa Aruba tambe.

Nan ta subraya cu mirando cu e tipo di oferta laboral den e economia no diversifica di Aruba, e escasez den e mercado laboral no lo por wordo acomoda pa un aumento den e nivel di educacion y productividad laboral den e sociedad di Aruba.

Tambe door di e efecto di embehecimento di e merca-

do laboral y e relacion entre e trahadonan y esnan cu no ta traha den un sociedad, riba largo plaso esaki lo crea deterioro di e ambiente empresarial. Pa e motibo ey, Raad van Advies ta indica, ta hopi importante pa realisa reforma y inversionnan productivo na beneficio di e crecimiento potencial di e economia. Segun e entidad, no mester preocupa solamente pa e desafio di e desaroyo demografico di banda di e oferta di economia, pero tambe di e demanda. Asina ta bay tin, cu e dobel embehecimento di e poblacion como impulso, un demanda mas grandi den cuidio y como consecuencia un demanda di trahadonan den e area di salud.

E desaroyo aki no ta para riba su mes, pero ta bay man den man cu un ahuste completo di e estructura asistencial, e formacion asocia y inver-

sion den e instalacionnan di cuidio.

Den su consejo di 2019 "Ouderenbeleid - zorg en welzijn: de omslag!" (Politica di adultonan mayor - cuidio y bienestar: e cambio di rumbo!) Sociaal Economische Raad (SER) ta boga pa un cambio total di e forma con na Aruba ta mira y actua cu e estructura di cuidio, politica y bienestar di adultonan mayor en general.

SER a conclui cu logra garantiza un bon calidad di atencion na adultonan mayor, ta predetermina na e grado di salud y participacion activo di henter e sociedad for di nacimiento te na e ultimo rosea.

Nan ta enfatisa cu mientras no tin otro vision di salud, cuidio y embehecimento ta tuma luga, e portabilidad y durabilidad di e fondonan di AZV y SVB lo keda un desafio. Prevencion, promocion di un estilo di bida saludabel y informacion publico ta sirbi como elementonan basico di un politica di salud pa por lo menos bira bieu mas saludable pa mas tempo, segun SER.

Ademas SER a haci un serie di recomendacion concreto na gobierno pa garantiza un bon calidad di cuidio intra y extramural pa e adultonan mayor. E recomendacionnan aki tabata inclui, entre otro, apoyo na e cuidio informal, participacion di adultonan mayor y e calidad di cuidio.

Te na ki punto a cuminsa cu e implementacion di e recomendacionnan aki, no ta conoci pa Raad van Advies. Si esaki no a sucede ainda, nan ta recomenda pa sigui e recomendacionnan aki, evalua y actualisa riba corto plaso e implementacion efectivo di e recomendacionnan.

Un rapport publica na 2022, bao encargo di e Ministerio di Salud y Deporte, ariba e eficacia y efectividad di atencion medico na Aruba, a

afirma cu tin necesidad den e cuidio di adultonan mayor pa un plan di emergencia riba corto plaso y cu den e sector di residencianan di cuidio tin un situacion di emergencia cu mester tuma accion.

Cu esaki e conclusionnan di e investigacion realisa na 2018 pa Volksgezondheid Aruba (DVG) riba e atencion medico a largo plaso na Aruba, ta confirma un biaha mas e presion y importancia pa tuma un decision.

E crecimiento continuo di e grupo di persona cu nan edad promedio ta aumenta tin un impacto riba e salud publico y cuidio. Mirando e concentracion halto di e gasto den salud entre e gruponan di edad mas halto, e embehecimento lo hiba na un aumento di gasto total den cuidio.

Esaki ta causa principalmente pa e grupo aki, cu mas frecuentemente tin un condicion cronico of incluso varios na mesun momento. E aumento di e costonan di atencion medico door di e demanda creciente aki lo aumenta e presion ariba e financiamiento di AZV y e calidad di atencion brinda den futuro.

Tambe pa loke ta trata e beneficiarios pa adultonan mayor, e embehecimento tin consecucionan importante. Como resultado di e dobel embehecimento, no ta bay tin solamente mas adulto mayor cu lo ricibi e beneficio AOV, pero un adulto mayor lo ricibi e beneficio aki durante un periodo mas largo. Debi na esaki, den futuro ta bay tin mester di mas recurso financiero pa garantiza e pago di esaki.

Door cu e beneficiarios aki mester wordo paga pa un parti cada biaha mas chikito di e poblacion total, si e politica sigui sin ningun cambio, dentro di un decada e fondo di biehes lo agota.

**Relaciona cu celebracion di**

**Dia di Rey**

Ta participa cu **NO** lo tin edicion regular di Bon Dia y Aruba Today riba diahuebs 27 di april, 2023.

Pa e motibo aki ta haci un suplica na tur esunnan cu ta desea di publica aviso den Bon Dia y Aruba Today pa diabierna 28 di april pa por fabor entrega esaki no mas laat cu diaranson 26 di april of sino via email na: [aviso@bondia.com](mailto:aviso@bondia.com) prome cu 5 or di atardi

Gerencia



## Editor

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

## Operations Manager

Mariette Engelhart

## Redaccion

noticia@bondia.com

Pilar Flores (hefe di redaccion)  
Angenette Figueroa (closer editor)  
Leo Maduro

Andreina Morillo

Raisa Montilla

## Ehecutivo di Benta

sulaika.croes@cspnv.com

Sulaika Croes

## Aviso y Arte

Sandra Loefstop

Lisa Tromp

## Departamento Digital

Juan Luis Pinto

## Administracion

accounting@bondia.com

Martha Arteta de Ariza

## Distribucion

Jenny Kelly

## Coleccion

Evelinda de Cuba - Tromp

## Pre Press

Luis Fernando Arenas (Hefe)  
Pablo Libre

## Press

Roland Schenker (Hefe)  
Omar Ramirez  
Martin Boekhoudt  
Francis Dirksz

## Colaboracion

Associated Press

Ret Karibense

Upload Media Aruba

## Afiliacion

Sociedad Interamerica  
di Prensa (SIP)


## DIRECCION

Adres: Weststraat #22  
Tel: 582-7800

Email: noticia@bondia.com  
aviso@bondia.com  
info@bondia.com

Website: www.bondia.com  
Facebook: @bondianoticia  
Instagram: bondiaaruba

BON DIA ARUBA ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.



# Editorial

## Pobreza di varios tipo... *Pa nos combati...*

Nos ta topa e siman aki cu varios tema cu di un o otro manera ta relaciona. Un di nan ta e reunion di parlamento tocante inflacion y pobreza na Aruba. E pregunta no ta si tin pobreza of no. Tin pobreza, pero e opinionnan ta varia encuanto e magnitud di e fenomeno. E debate a decepciona di dos manera. Uno ta cu no a trece e situacion real dilanti na un manera coherente. E otro ta cu nos no a tende solucion factible bin di ningun banda. Pa cumenza, pakico e situacion real no a bin dilanti? Nos tur sa cu e crisis di Covid a haci hopi daño, principalmente entre e capanan di sociedad di menos recurso. Ta di supone cu solamente un parti di e gruponan aki a logra restablece na situacion cu nan tabatin antes. Ademá, tabatin un grupo cu tabata hiba un bida difícil caba. E fenomeno di banco di alimento no ta algo cu a surgi na 2020 cu e crisis di salud. No ta pornada cu nos tin semper caba un grupo di hende cu ta haya bijstand, cu no tin un entrada di nan mes.

Fuera di esey nos tin un grupo grandi di stranhero den situacion di emergencia, principalmente fruto di e situacion di crisis na Venezuela. Tin varios fuente di atencion y ayudo pa e grupo aki, sin embargo ta difícil pa haya un bon vista di e situacion general di e grupo aki. Esaki en principio ta un tarea di gobierno, unda falta bastante informacion. Segun cu tempo ta pasa ta bira mas urgente pa haya sa kico ta e proposito cu e hendenan aki, pasobra por lo pronto no ta mira un situacion favorable na e pais di origen. Un parti – desconoci – di e grupo aki ta biba den pobreza. E parti local di hende den pobreza tambe ta duna un panorama complica pasobra no tin un vista cla riba e composicion di e hogarnan, pa por determina den cual di nan tin pobreza of no. Pa clarifica: e hecho cu un persona tin un salario minimo, cu no ta yega na e 'bestaansminimum', no ta indica sin mas un situacion di pobreza, esey ta depende di e demas entradanan cu por tin den e hogar. Segun cifra di CBS (Censo 2020), e grupo cu ta biba nan so ta mas o menos 8,5% di e poblacion total. No por conclui sin mas cu tur e hogarnan di un persona ta bibando den pobreza. Nos mester di informacion hopi mas detaya pa por determina cuanto hogar ta den situacion di pobreza. Fuera di esey, ta keda e punto di kico ta haci structuralmente pa alivia pobreza. For di fuente fidedigno nos ta tende cu recientemente a tuma lugar un 'clean up' entre e personanan cu ta haya bijstand pasobra a constata cu nan tabata traha banda di e ayudo di emergencia aki. Esey ta logico, pero nos no ta mira ni tende di un po-

litica mas general.

Nos tin tambe e aspecto di inflacion, cu desde aña pasa a aumenta sustancialmente a base di e situacion internacional. Esaki tabatin efecto riba tur hogar, sigur tambe riba esunnan cu tabata den problema caba. Fuera di esey, por constata cu, a pesar cu empleo formal – cantidad di em-pelo manera registra pa SVb – a bolbe recientemente na e nivel pre-Covid, na 2022 a cobra mas di 40 miyon florin menos na loonbelasting compara cu 2019, alrededor di 15% menos. Esey ta implica cu esnan den empleo formal a cobra aña pasa sustancialmente menos cu na aña 2019, cu por representa un perdida di poder di compra colectivo di algun cien miyon florin. E tema di efecto di inflacion riba pobreza merece un mi-hor debate cu loke tabatin ayera den parlamento.

Otro tema importante ta loke ta señala den un articulo den nos edicion di ayera, tocante e decisionnan clave cu mester tuma proximamente den enseñanza pa loke ta idioma di instruccion. Cada escogencia posible ta bin cu problema grandi, en general pa motibo di e consecuen-cianan practico. Por ehemplo, si scoge pa mantene Hulandes como idioma di instruccion, nos ta sinta cu varios generacion di maestro y docente cu ta custumbra henter nan carera caba di dicidi pa nan mes cuanto Hulandes y cuanto Papiamento nan ta aplica den nan klas. Ademá, otro pregunta cu ta resulta tambe di e investigacion actual di Inspeccion Hulandes y Arubano, ta si e instituto pedagogico ta equipa pa duna e calidad cu e proyecto di mehoracion ta requeri. Tè na e momento aki, loke nos ta haya di tende ta cu e nivel di maestro cu IPA ta entrega ta 'substan-dard', tanto pa loke ta Hulandes como Papiamento. Con ta bay re-educa henter e cuerpo docente di Aruba pa pone nan na e nivel necesario? Esaki no ta parce nos un tarea di un par di luna, sino di varios aña... Y esaki ta yama otro pregunta, si e cuerpo di docente den gran mayoria lo apoya e cambionan necesario, irrespecto e modelo cu lo scoge. Nos tin nos duda den esey. Y pakico esaki ta asina importante? Pasobra e pasonan pa tuma ta decisivo pa con nos ta bay combati e 'pobreza' intelectual enorme cu ta producto di un sistema educativo mancaron pa varios decada, cu porfin por bay haya un mehoracion, si no solamente tuma e decision tocante idioma di instruccion, sino pone e recursonan disponible pa un plan a largo plazo, y ehecuta esaki, sin cu un siguiente gobierno bin dañe e asunto atrobe.



*Minister di Finanzas, Xiomara Maduro:*

## Gobierno trahando riba presupuesto 2024 pa por entrega esaki prome cu 1 di september na Parlamento

Gobierno di Aruba, pa medio di Minister di Finanzas, Xiomara Maduro ta trahando riba Presupuesto 2024. E siman aki e mandatario hunto cu expertonan di Departamento di Finanzas a repasa e 'Meibrief,' cu ta e carta di Minister di Finanzas dirigi na Consejo di Minister, cu ta contene e cuadro financiero cu despues lo bira Presupuesto 2024 di nos Pais.

E mandatario a splica cu tin decisionnan cu tin cu tuma den Consejo di Minister pa asina Presupuesto 2024 por conta tambe cu un surplus di 1% di nos GDP. Minister di Finanzas ta trahando pa e aña aki atrobe por cumpli debidamente cu nos Constitucion pa entrega Presupuesto 2024 na tempo, prome cu 1 di september 2023 na Parlamento di Aruba.

Minister Maduro lo tene Pueblo informa riba e trabaonan pa Presupuesto 2024 por wordo finalisa, segun un comunicado di gobierno.



## A firma un slotconclusie entre e 4 minister di Enseñansa di Aruba, Hulanda, Sint Maarten y Corsou

Diahuebs ultimo, Minister Endy Croes hunto cu directora di Departamento di Enseñansa (DEA), Sra. Anne-Marie Proveyer y directora suplente, Sra. Sheila Maduro a atende un reunion virtual di Vierlandenoverleg.

E reunion aki ta basa riba e ultimo reunion cu a tuma luga januari 2023 na Corsou entre e cuater (4) Minister di Enseñansa di Reino Hulandes, esta Sr. Endy Croes di Aruba, Sr. Robbert Dijkgraaf di Hulanda, Sr. Rodolphe Samuel di Sint Maarten, y Sr. Sithree van Heydoorn di



Corsou.

Durante e reunion virtual di Vierlandenoverleg, e cuater

(4) Ministerio di Enseñansa di Aruba, Hulanda, Sint Maarten y Corsou a trata diferente topico di interes, entre

otro, Strategic Education Alliance, Academic Foundation Year (AFY) y Beca di Reino (Koninkrijksbeurs).

Pa loke ta trata e puntonan cu a trata, tabatin un ekipo di dos persona di Hulanda prepara cu a elabora ampliamente riba e topiconan aki. Durante e ultimo reunion na januari, a palabra cu lo forma un "sturgroep" di cinco (5) persona pa elabora riba e topiconan cu ta trata entre e cuater (4) isla, cual ta consisti di dos (2) persona di Hulanda, un (1) persona di Aruba, un (1) persona di Sint Maarten y un (1) persona di Corsou, segun un

comunicado di gobierno.

Ademas di esaki, a dialoga tocante investigacion laboral (arbeidsonderzoek) cu e universidadnan di e cuater (4) islanan hunto cu Departamento di Labor ta bay haci. Na final di e reunion, a yega na un acuerdo y a firma un slotconclusie digitalmente.

Proximo reunion entre e cuater (4) Ministerionan di Enseñansa di Reino Hulandes lo ta den e luna di juni y na november 2023 nan lo topa otro back fisicamente na Hulanda.

## Prijs promedio di electricidad pa vivienda na maart tabata Afl. 294.56

Prijs di utilidad (electricidad y awa), gasolin y diesel ta wordo determina primordialmente door di e prijs internacional di petroleo. Den su relato

mas recien riba Indice di Prijs di Consumo, Bureau Central di Estadistica (CBS) a informa tocante e caida di prijs di petroleo den luna di maart.

Na Maart 2023 e prijs promedio pa bari di petroleo (US\$73.51) a conoce un caida di US\$ 3.48 (-4.5%) compara cu Februari 2023 (US\$ 76.99).

Prijs di electricidad y di awa no a cambia compara cu Februari 2023. Consecuentemente, e prijs promedio di electricidad pa vivienda a keda Afl. 294.56, mientras cu e prijs promedio di awa pa vivienda a keda Afl. 168.73.

Prijs di gasolin a registra un caida di Afl. 4.90 cent (-1.9%) na Maart 2023 y a causa un efecto di -0.09 ppt riba e CPI. Prijs di diesel a registra un caida di Afl. 25.50 cent (-9.8%) na Maart 2023 y a causa un efecto di -0.04 ppt riba e CPI.

Na Maart 2023, utilidad, gasolin y diesel como grupo, tabatin un caida di prijs di 0.7%

Tabel 9 Efecto di bienes y servicios cu ta depende di prijs di petroleo riba e CPI di Maart 2023

Categoría	Peso	Cambio B	Efecto
porcentaje			
Electricidad	810.2	0.0	0.00
Gasolin	430.5	-1.9	-0.09
Awa	367.3	0.0	0.00
Diesel	30.2	-9.8	-0.04
Total di grupo	1,638.1	-0.7	-0.13
Restante bienes y servicio	8,361.9	0.02	0.02
CPI	10,000.0	-0.1	-0.11

Source: Central Bureau of Statistics Aruba

compara cu Februari 2023 y hunto tabatin un influencia di -0.13 ppt riba e CPI, mientras cu e restante 404 bienes y servicio hunto, a conoce un subida leve di prijs di 0.02% y tabatin un efecto di 0.02 ppt riba e CPI.

Tabel 8 Prijs di petroleo, utilidad, gasolin y diesel, 2022 - 2023

Luna	2022							2023							
	Costo total @ energia			Costo total @ energia			Awa	Gasolina	Diesel	Costo total @ energia			Costo total @ energia		
	Petroleo < 500 kWh	501-1000 kWh	Electricidad	Petroleo < 500 kWh	501-1000 kWh	Electricidad				Awa	Gasolina	Diesel			
Januari	83.06	31.09	31.99	240.09	137.05	230.60	195.00	78.01	38.53	39.65	294.56	168.73	243.80	246.60	
Februari	91.32	31.09	31.99	240.09	137.05	245.70	214.10	76.99	38.53	39.65	294.56	168.73	262.50	260.30	
Maart	108.58	31.09	31.99	240.09	137.05	261.00	228.80	73.51	38.53	39.65	294.56	168.73	257.60	234.80	
April	102.29	31.09	31.99	240.09	137.05	291.00	274.50								
Mei	109.31	31.09	31.99	240.09	137.05	289.00	289.00								
Juni	115.29	31.09	31.99	240.09	137.05	321.20	290.30								
Juli	103.21	31.09	31.99	240.09	137.05	335.70	312.70								
Augustus	93.74	38.53	39.65	294.56	167.75	293.20	278.50								
September	85.37	38.53	39.65	294.56	168.73	268.00	269.90								
October	87.61	38.53	39.65	294.56	168.73	254.90	259.40								
November	85.08	38.53	39.65	294.56	168.73	269.10	284.80								
December	76.80	38.53	39.65	294.56	168.73	251.40	261.00								
Average anual	95.14	34.19	35.18	262.78	150.17	275.90	263.17	76.17	38.53	39.65	294.56	168.73	254.63	247.23	

Source: Central Bureau of Statistics Aruba



**AWA**

**MINI MEGA**

**MEGA PLUS**

**Awo cu 2 florin mas, bo por gana e**

**\* Afl. 420.000,-**

**\* Afl. 320.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

**MEGA PLUS**



**HUNGA AWO**



## A haya logro nobo den tratamiento contra bacteria cu ta resistente pa medicamento

(NLTimes)—Un asocia-cion pa estudio interna-cional for di Europa y Norte America a descu-bri un manera nobo pa trata bacteria cu ta scapa su mecanismo pa resisti medicamento. En bes di ataca e bacteria mes, e tratamiento ta “desarma” bacteria resistente pa me-dio di ataca e “armanan” cu esaki ta uza pa infecta y plama, segun Christopher Jonkergrouw a splica, ken ta un estudiante Ph.D Hulandes cu a lider a estudio hunto cu Profesor Markus Linder di Universidad Aalto na Finlandia.

E problema mas grandi cu re-

sistencia antimicrobial ta cu esaki ta stroba con efectivo antibiotica ta contra bacteria. Entre 1930 cu 1950, a tuma bacteria un averahe di 13 aña pa bira resistente contra antibiotica. Awo esey a baha pa 1 pa 2 aña. Tur aña, mas cu un miyon persona ta muri di variante bacterial cu ta resis-tente contra medicamento, segun e investigadonan a bisa. E consecuencianan di resistencia bacterial ta conta pa mas cu 50 biyon euro den costo adicional na Merca so.

E tratamiento nobo aki ta uza diferente tactica cu antibi-otica tradicional. En bes di ataca e bacteria mes, e trata-mento ta ataca e virulencia

bacterial, cual ta nifica tur propiedad cu e bacteria ta uza pa asina establece su mes y sigui plama. Pues, en bes di mata e bacteria, e tratamiento simplemente ta “desarm’e”, cual ta haci’e dificil pa e bac-teria sigui plama. Tambe ta haci’e facil pa antibiotica por ataca e bacteria den dosis mas chikito.

Segun e investigadonan, ta parce cu e tratamiento ta efectivo, hasta contra e bac-teria mas problematico, esta e bacteria “superbug”, cu ta resistente na casi tur tipo di antibiotica comun. Den plaso largo, e tratamiento tampoco ta resulta cu bacteria ta traha resistencia contra antibiotica.



Pasobra cu esaki no ta haci daño na e bacteria mes, tin menos presion pa nan bira resistente.

Ainda mester sigui evalua e tratamiento prome cu esaki yega mercado, pero resulta-donan inicial ta duna hopi

speransa, segun e investiga-donan. “Resistencia a causa un golpi masha grandi, pa cual no tabatin suficiente anti-biotica adecua pa combati esaki. Pa desarma e bacteria mes por ofrece e solucion,” Profesor Linder a declara.

## LABHOH prome den region Caribe cu rapport di resistencia antibiotica pa RIVM Hulanda

*Cu esaki den futuro por preveni retonan imprevisto*

LABHOH ta e prome den region Caribe cu tin un rapport ‘Caribbean Map (CarMap)’ pa aña 2022. Cu esaki LABHOH tin e primicia pa loke ta data den e lucha contra resis-tencia di antibiotica. Hun-to cu e Centro di combati infeccion di e Instituto di Reino pa Salud Publico y Medio Ambiente (RIVM-Nederlandse Rijksinstitu-tut voor Volksgezondheid en Milieu) LABHOH a inicia cu e programa unda cu tur data ta wordo col-

ecta na un manera auto-matico y alabes anonimo pa asina por genera trends den resistencia di antibi-otica. Esaki ta un sistema di informacion vigilante di malesanan infeccioso particularmente resisten-cia na antibiotica.

Pa departamento di Mi-crobiologia di LABHOH e CarMap ta un logro grandi. Durante ful un aña a colecta data segun e regla y norman-an stipula pa RIVM pa asina por yega na ful e rapport pa aña 2022. Ta demostra cu nos mesun LABHOH por mancha data, haci compara-cion y interpretacion na un manera profesional pa asina por contribui na un cuidio optimal pe pashent. Asina tin deteccion constante pa loke ta e desaroyo di bac-terianan ‘peligroso’ of resis-tente, y awo tin esaki registra oficialmente.

Resistencia di antibiotica ta un problema mundial y cre-ciente. E tin retonan hopi grandi den salud medico.



Bacterianan ta adapta nan mes y bira resistente na an-tibiotica y e curpa no ta re-acciona mas na e antibiotica duna. Door di monitor esaki na Aruba nos por haya un bis-ta den e patronchi di resisten-cia di bacteria y por preveni cu nos por confronta retonan imprevisto.

E meta mas importante di e CarMap ta pa analisa trends den resistencia antibiotica den Caribe. Pues, intencion

ta pa mas laboratorio den Caribe tambe participa na e programa aki pa asina nos por tin miho bista y hasta por haci comparacion den e resistencia antimicrobial den nos region. Tambe por compara data cu Hulanda y por compara si tin diferencia relata n’e region y e poblacion. Basa riba esaki posiblemente por haci futuro adaptacion den loke ta e anti-biotica duna na pashent pa un cuidio optimal. Por lesa ful e rapport riba website di LAB-

HOH, esta [www.labhoh.org](http://www.labhoh.org) bou di e tab ‘news’ of tambe e link directo: <https://bit.ly/3Nh0L6W>

E caminda ta largo y no facil, pero hunto cu nos me-sun profesionalnan, nos ta avansando unda cu data ta esencial pa contribui na cali-dad den cuidio medico. Ma-sa pabien na LABHOH cu otro paso positivo den loke ta optimalisa cuidio medico pa Aruba su comunidad!





## A ordena abogado Inez Weski pa keda deteni pa al menos dos siman mas

(NLTimes)—A ordena abogado Inez Weski dialuna pa keda den detencion pa al menos dos siman mas. A detene e abogado di Rotterdam diabierna riba sospecho di participacion den un operacional di crimen organisa cu ta involvi den narcotrafico internacional y labamento di placa. Tambe ta sospecha cu el a viola regla relativa na informacion secreto.



Weski ta represent Ridouan Taghi, supuestamente un hefe di crimen organisa y e sospechoso mayor den e proceso di caso Marengo. E huicio ta involvi varios asesinato cu a tuma luga—entre otro cu a fracaso, y e planificacion di ehecucion riba nivel di caya. Weski su abogado a declara dialuna cu e ta renuncia di su posicion como abogado principal di Taghi, mientras cu Weski pa pidi pa un absolucion durante su argumento di clausura. Ta spera un veredicto na october.

A detene Taghi den custodia estricto desde cu a extradit'e for di Dubai pa Hulanda. Ta permitie contacto solamente cu su representacion legal. “Ta sospecha e abogado di a abusa di su posicion pa medio di pasa mensahe for di e organisacion criminal pa su cliente,” segun OM a bisa diabierna.

Un magistrado di examinacion na e Corte di Distrito Rotterdam a pone Weski den detencion pa un temporada maximo di dos siman. Du-

rante e tempo ey, e investigacion riba e acusacionnan contra e ta bay continua. Por extende su detencion durante e proceso binidero.

Manera Taghi, a permiti Weski pa tin contacto solamente cu su mesun representacion legal. Su abogadonan, Rob Baumgardt y Fébe Schoolderman, a conta AD cu Weski no ta bay representa Taghi mas. E abogadonan no a sigui comenta riba e decision. A caso di Taghi no por haya un abogado nobo, e hefe di e Asociacion Legal na

Rotterdam lo haya e tarea pa apunta un persona p'e.

Weski ta e segunda abogado representando Taghi pa haya su mes den detencion. A detene Taghi su mesun famia, Youssef T., na october 2021 riba acusacion cu e trahando como mensahero pa Taghi durante e seis luna cu el a representa e homber despues di su regreso na Hulanda. Youssef T. a ricibi conviccion y a sentenci'e pa 5.5 aña den prizon despues cu corte a nega su defensa, bisando cu e kier a para e plan pa asina saca Taghi for di prizon, y e no tabata purba di provee asistencia pa su empresario criminal.

Aña pasa, Abogado di T., Andre Seebregts, a acusa Weski di ta actuando tambe como mensahero di Taghi. Seebregts a bisa cu na e tempo cu autoridad tabatin mensahe descifra manda via e servicio ‘Sky ECC’, cual aparentemente a muestra un plan pa trece documento scondi

den y afo di prizon, y pa facilita comunicacion entre un di Taghi su yiunan y hefe di mafia Italiano, Raffaele Imperiale, ken recién a bira un testigo cooperativo den un investigacion separa.

E tempo ey Weski a bisa cu e acusacion ta puro mentira. Pero diabierna fiscalnan a afirma algo similar di loke Seebregts a bisa. “E sospecho contra e abogado a cuminsa na zomer 2022 ora un update a bira disponibel cu mensahe descifra for di SkyECC.” Segun e fiscalnan.

Weski no ta stranhero pa traha cu cliente controversial. Pa basta tempo caba, e tambe ta un representante legal pa Desi Bouterse, ex-presidente di Surinam. Tambe el a representa Guus Kouwenhoven y Theodor Cranendonk, cual a condena ambos di ta traficante di arma. Tambe a duna Kouwenhoven conviccion di crimen di guera pa actividad na Liberia y Guinea.

## Corte ta duna orden na Carnival Foundation pa admiti “Roxxy” den competencia finalista di Calypso

(TheDailyHerald)—E Corte di Prome Instancia a ordena St. Maarten Carnival Development Foundation (SCDF) y Soualiga Kaiseo Artistes Foundation (SKAF) pa admiti artista di Calypso Roxanne “Roxxy” Louisette Webster den e competencia finalista di Senior Calypso 2023, cual ta plania pa diaranson dia 26 di april.


E huicio di dialuna ta sigui

un mandato entrega pa e cantante contra e dos fundacion despues cu a descualifik'e despues di e eliminacion den e Senior Calypso Competition, cual a tuma luga dia 24 di maart.

Roxxy a keda na segunda luga den e eliminacion cu cantica, “Woman Doin that Too!” Dos dia despues, SCDF a publica un comunicado den cual ta bisa cu Roxxy y un segunda participante ta descualifica, pa

e hecho cu un persona e presente nan cancion den pasado caba y esaki no ta fit den e criterio di “originalidad” di SCDF y normanan regional uza pa husga Calypso.

Roxxy a bira su descualificacion cu exito. Corte a ordena pa SCDF admiti e cantante den e competencia finalista di e Senior Calypso Competition. Den caso cu si nan no complace, SCDF mester paga 10.000 dollar den multa.



## Prome Minister Pisas a reuni cu Consul General di Republica Dominicana

(CuracaoChronicles)—Prome Minister Gilmar Pisas a reuni recién cu e Consul General di Republica Dominicana, Sra. Maria Luisa Ubiera, y su delegacion.

Tambe tabatin representantenan di gobierno di Corsou cu tabata presente, incluyendo oficialnan di e Ministerionan di Husticia, Gobernacion, Planificacion y Servicio



Publico, tambe como e departamento di Asunto General.

E meta di e reunion aki tabata pa tuma nota di diferente preocupacion, caso y peticion cu e Consulado tabatin y pa mira con nan por adresa y cumpli cu esaki den futuro. A trece dilanti varios sugestion y peticion pa e Consulado y e Ministerionan gubernamental. Nan a papia tocante

e necesidad pa duna mas atencion na diferente caso y pa tin miho comunicacion cu e Consulado pa mancha e asuntonan aki den un manera mas efectivo den futuro.

Un propuesta cu a trece padilanti tabata pa traha riba traduccion di e diferente procesonan den cuatro lengahe: Ingles, Spaño, Hulandes y Papiamentu. E tene e reunion aki den bon atmosfera.



## Ciudadanonan Hulandes-Turco kier mas proteccion contra esnan leal na Erdogan

(NLTimes)—Un gran parti di e comunidad Hulandes-Turco (43%) kier pa gobierno Hulandes proteha nan miho contra strobacion y intimidacion for di Turkia, segun un estudio pa e Instituto Clingendael incluyendo 1.000 hende Hulandes-Turco den e eleccion parlamentario y di presidencia Turco otro luna.

Desde cu e partido di President Recep Tayyip Erdogan, AKP, a bin na poder na 2002, e estado Turco ta cuminsa bira mas activo den comunidnan Turco rond Europa, segun corant AD. Nan voto



ta importante pa AKP. Casi mita di persona Hulandes-Turco bibando na Hulanda ta bay vota den eleccionnan dia 14 di mei. Den e eleccion an-

terior, 63% di ciudadanonan Hulandes-Turco a vota—un cantidad mas halto cuna Turkia mes.

Un kwart di persona Hulandes cu origen Turco ta hasta sinti nan mes insegur pa via di e influencia Turco na Hulanda. Politica di Erdogan sigur a bira mas autocratico despues di e intento di disposicion na aña 2016. Particularmente apoyadonan di e movimiento Gulen, cual ta nombra pa Fethullah Gulen, a sinti nan intimidada,” segun investigado Christopher Houtkamp a conta AD. “Esaki ta sosode hasta den nos pais.”

E instituto no a puntra encuestadonan con nan ta sinti intimidada, Houtkamp a bisa. “No, nos no sa tampoco si tin menasa concreto. Pero ta bisa

hopi si cu un parti grandi di e encuestadonan ta indica cu gobierno Hulandes mester pone mas esfuerso den medidanan pa limita influencia di e estado Turco riba nan comunidad na Hulanda,” el a señala.

“Di ningun manera tur hende ta sinti nan mes representa pa e organisacionnan Turco-Hulandes cu hopi biaha ta e partner di discusion di e gobierno,” Houtkamp a bisa. “P’esey lo ta bon si acerca diferente grupo cu e pregunta di te na unda gobierno Hulandes lo mester interveni pa reduci e efectonan negativo di e politica di diaspora Turco.”

## Inspector di impuesto ta bisa cu mester aboli sistema di beneficio social



(NLTimes)—Casi 150.000 hogar ta den angustia financiero tur aña, pasobra nan mester paga nan beneficio back cu cual nan ta paga pa cuido di salud, huur y otro beneficiannan, segun Bart Snels den un entrevista cu Trouw publica dialuna. Oficialnan cu ta implementa e politica no ta e problema, segun el a bisa. Nan ta traha duro y ta purba pa “haci loke ta corecto.” E problema ta e sistema mes.

P’esey mester aboli e sistema mas pronto posibel, Snels a bisa. E ta un inspector general independiente na e inspeccionado pa impuesto, beneficio y aduana. Ademas e ta un ex-parlamentario di partido GroenLinks.

“Nos ta pidi cosnan imposibel di hende, y a pone tur riesgo financiero den man di ciudadano. Nos ta afecta e seguridad social di hende cu e beneficiannan,” el a declara. El a señala cu tin un cantidad “hopi halto” di recuperacion di beneficio cu ta pasa tur dia, “pasobra hende no a reporta algo na tempo, cual nan mes-

ter a haci: pasobra algo a cambia den nan salario of e composicion di nan hogar.”

Cabinet Hulandes a apunta Snels na cuminsamento di aña pasa. A establece e inspeccionado unda e ta traha despues di e scandal di e oficina di impuesto pa cu beneficio, cual ta un asunto cu a causa e retiro di e cabinet anterior. E problema cu e sistema di beneficio ta cu tin e expectativa cu hende por pronostica si algo ta bay cambia den nan hogar den e aña binidero,” Snels a splica.

“Pero bo no lo sa si bo ta bay divorcia, cuminsa biba hunto cu bo pareha, of si un pareha muri. Bo no sa si un di bo yunan ta bin biba na cas back, of ta cuminsa traha y pues tin nan mesun salario. Pero tur a cambionan ey tin consecuencia directo pa e derecho pa beneficio.” Cualkier hende cu no ta informa autoridadnan di e cambionan aki na tempo ta bay haya carta di gobierno demandando pa paga e beneficio back.

“Ta importante pa hende no perde den sistemanan com-

plica of mester deal cu reembolso halto,” segun un vocero pa Aukje de Vries, ken ta Secretaria di Estado pa politica di beneficio. De Vried a expresa

den pasado e ambicion pa reemplaza e sistema di beneficio cu un sistema nobo.

Ainda e ta trahando riba e

plannan pa esaki y ta bay manda esaki na Tweede Kamer prome cu zomervakantie.

### EXECUTORIALE VERKOOP (AUCTION)

Executieveiling in opdracht van de hypotheekverstrekker; openbare verkoop krachtens artikel 3:268 van het Burgerlijk Wetboek van Aruba van de volgende onroerende zaken:

#### Weg Seroe Blanco 28

het recht van erfpacht op een perceel domeingrond tot 11-12-2067, 725 m<sup>2</sup>, gelegen te Weg Seroe Blanco, kadastraal bekend als Derde Afdeling Sectie K nummer 264.

**Inzetprijs: Afl. 142.000,00;**

Onderhandse biedingen mogelijk.

#### Pos Chikito 27-D

het recht van erfpacht op een perceel domeingrond tot 09-12-2043, 648 m<sup>2</sup>, gelegen te Pos Chikito, kadastraal bekend als Derde Afdeling Sectie G nummer 830.

**Inzetprijs: Afl. 99.000,00;**

Onderhandse biedingen mogelijk.

De openbare verkoop vindt plaats eerst bij opbod en vervolgens bij afmijning.

De openbare veiling vindt plaats op **26 mei 2023**, om **10:00** uur ten overstaan van notaris mr. **C.M.A. Helmeyer**, notaris in Aruba, in de veilingzaal van Surfside Marina (Dolphin Room) aan de L.G. Smith Boulevard 7 in Aruba.

#### Let op:

In het geval onderhandse bieding (nog) mogelijk is, kunnen potentiële kopers hun bieding(en) uitbrengen door het invullen van een door notaris Helmeijer opgesteld biedformulier, met overlegging van een bankgarantie en geldig identiteitsbewijs. De bieding dient uiterlijk 14 dagen vóór datum van openbare veiling, schriftelijk en onvoorwaardelijk te worden ingeleverd op het kantoor van Notaris Helmeijer. De veilingvoorwaarden zullen uiterlijk 8 dagen voor de verkoopdatum beschikbaar zijn op het kantoor van Notaris Helmeijer.

Voor aanvullende informatie over de veiling en/of juridische vragen kunt u contact met ons opnemen:

**Notariskantoor Helmeijer**

Elleboogstraat 11-13

Tel: 280-2020 / WhatsApp: 699-28020

veiling@notarishelmeijer.com / auction@notarishelmeijer.com

**www.notarishelmeijer.com**



## Argentina: Buenos Aires yen di huma pa via di candela na Uruguay

**(EFE) – Ciudad de Buenos Aires y areanan rond di dje ayera dialuna a manece bao un manta di huma cu ta bin for di departamentu San Jose di Uruguay, na unda diasabra ultimo a declara un candela.**

For di prome oranan di dia, e capital Argentino y su poblacion tabata registra un capa di huma cu tabata cubri e edificionan mas halto y tabata dificulta e bista, igual cu loke a sucede diadomingo ultimo durante mainta. Igualmente, bisñanan a re-

porta a traves di rednan social un holo di kimamento intenso.

Principal aeropuertonan di e zona, aeroparque Jorge Newbery (ciudad di Buenos Aires) y aeropuerto internacional di Ezeiza (provincia di Buenos Aires) no a registra retraso den vuelonan tanto den yegada como di salida a consecuencia di e huma.

Diadomingo ultimo, Servicio Meteorologico Nacional (SMN) a informa cu e huma tabata bin cu e biento afectando principalmente e

area metropolitano di Buenos Aires.

E presencia di huma y holo di candela cada biaha ta mas frecuente na Buenos Aires debi na candelanan forestal cu causanan natural y kimamento di terenonan pa actividadnan di ganado na e zona di e riu Parana na nort di e capital Argentino.

SNM a confirma cu mientras e candela ta sigui activo, e huma ta bay keda “por lo menos te diamars den oranan di anochi”, ora e biento lo tuma un otro direccion.



## Presidente di Peru a anuncia cambio di cuatro minister

**(Reuters) – Presidente di Peru, Dina Boluarte a anuncia e cambio di cuatro minister di su gabinete, sin inclui e cartera di Economia, Energia y Mina.**

Entre e nombramento ta figura ex-minister di Husticia, Jose Tello, ken a retira di su funcion pa diferencianan cu prome minister Alberto Otrola. E hefe di e gabinete a solicita su renuncia for di diasabra 22 di april, fuentenan a señala cu Tello a busca papia cu Boluarte y e dia despues el a entrega su renuncia.

E anuncio sorpresa aki ta-



sucede oranan despues di e yegada di ex-presidente Alejandro Toledo na e pais, e ta enfrente acusacionnan di

corupcion. Den un evento transmiti pa television oficial, Boluarte a huramenta e minister di

Husticia, Daniel Maurate Romero, di Labor, Antonio Varella, di Enseñansa, Magned Marquez Ramirez y di Com-

ercio Exterior, Juan Carlos Mathews.

E presidente a asumi e poder na december ultimo despues di e destitucion di e presidente na e momento ey, Pedro Castillo, despues cu el a purba disolve Congreso y reorganisa poder hudicial. For di e luna ey el a enfrente protesta cu mas di 50 morto.

E nombramentonan aki ta cuestiona como “un burla pa e pais. Otrola ta sigui como cabes di e Gabinete di e Morto, hunto cu e ministernan di Interior y Defensa, responsabel pa e masacrenan,” e congresista Jaime Quito di Peru Libre a bisa.

## Un caravana nobo a sali cu 5.000 migrante na sur di Mexico

**(EFE) – Cerca di 5.000 migrante a sali diadomingo ultimo for di e ciudad fronteriso di Tapachula na sur di Mexico den un “caminda di cruz” migratorio, manera ta yam’e, y tin como destino Ciudad dei Mexico, teniendo como prome punto di yegada e Basilica di Guadalupe.**

Nan ta bay yega na e misa pa resa pa Gobierno Mexicano caba cu corupcion, pa Instituto Nacional di Migracion (INM) desaparece y pa duna un trato humanitario na e personanan den estado di movilidad.

Cu tres borch grandi di color blanco y letternan color cora representando e sanger di e 40 migrante cu a muri na un stacion migratorio di Ciudad Juarez, na estado di Chihuahua, e miles di persona di por lo menos 15 pais a sali cana pa



pidi husticia, un trato humano y documentonan pa por continua nan caminda den territorio nacional.

Migrantenan a pinta e borchinan cu e frasenan “estado a mata nan,” “caminda di cruz

migrante,” cual ta sosteni pa e integranan di e caravana aki.

Director di Organizacion Pueblo Sin Frontera, Irineo Mujica a denuncia cu “ni un hende ta worry” cu e tema di

e 40 migrante cu a fayece, pa loke a critica cu no tin husticia y esaki ta keda como “un crimen di Estado.”

“Pa tin un politica migratorio mas humano, no un INM militarisa, asesino cu a mata

y ta sigui mata, e ta instabil y corrupto. E instancia nacional ey mester desaparece,” e activista Mexicano-Mericano a señala.

Den e caravana tin persona di origen Venezolano, Colombiano, Haitiano, Chines, di Guatemala, Honduras, El Salvador, Nicaragua, Africa y otro paisnan.

E investigacion riba Gobierno di Mexico a crece for di e candela di dia 27 di maart ultimo na Ciudad Juarez, frontera cu Merca, na unda 40 migrante a fayece na un stacion migratorio di Instituto Nacional di Migracion (INM).

Segun organisacionnan civil Mexicano, 2022 ta e aña mas tragico pa migrantenan na Mexico, casi 900 a muri ora nan tabata purba di crusa pa Merca sin documentonan.



## Colombia ta aclaria cu Guaido no ta invita pa e conferencia internacional tocante Venezuela

**(ElNacional) – Ministerio di Colombia a aclaria cu nan no a invita e dirigente Juan Guaido pa e conferencia internacional tocante Venezuela, door di cual e no tin participacion.**

Pa e evento ey tin convoca representante di 20 pais di rond mundo, incluyendo di e region, Merca y di Europa, y e gobierno di Gustavo Petro a reuni solamente cu e representantenan di e Plataforma Unitaria di oposicion den e negociacion cu gobierno di Nioclas Maduro na Mexico pa conoce nan inquietudnan.

“E Ministerio di Relacion Exterior ta informa cu na e



conferencia internacional tocante e proceso politico na Venezuela, cu ta tuma luga dia 25 di april na Bogota, ta participa solamente e paisnan invita na e dialogo aki,” e Ministerio Colombiano a

informa den un comunicado. “Minister Alvaro Leyva Duran no a invita den e espacio aki e Sr. Juan Guaido, door di cual nos no ta conta cu su presencia,” el a agrega. El a recorda cu nan a ratifica

di manera publico cu e forum ta bay ta un debate di encuentro cu parti di e comunidad internacional.

Guaido a publica un comunicado dialuna den cual el a anuncia su yegada na Colombia. Den dje el a expresa ademá su speransa cu por garantiza cu e regimen Venezolano por regresa na e negociacion na Mexico y cu nan por yega na un acuerdo di un schedule creible pa un eleccion presidencial liber y husto como solucion na e conflicto.

El a recorda cu den e ultimo dianan e gobierno socialista a aumenta nan menasa den su contra pa silencia su voz, algo cu, el a afirma, e no lo permiti.

ti. E ex-presidente interino di Venezuela, reconoci durante cuater aña pa gobierno Mericano y por lo menos 50 pais, no a aclaria si e lo regresa e pais.

El a indica cu e ta bay solicita un reunion cu e delegacionnan internacional cu ta asisti y cu e ta bay tin encuentro cu e migrantenan Venezolano.

“Mi no ta bay stop di denuncia e crimenan di lesa humanidad cometi pa e regimen di Maduro. Mi ta exige libertad di e casi 300 preso politico cu ta permanece den prison, pa nan stop di persigui mi famia, mi ekipo y esnan cu ta lucha pa un miho Venezuela,” el a manifesta.

## Haiti: Ex-prome minister ta pidi gobierno sanciona 53 Dominicano, entre nan Abinader, Hipolito y Leonel

**(DiarioLibre) – Ex-prome minister di Haiti, Claude Joseph a solicita diadomingo na gobierno di Ariel Henry pa sanciona 53 personalidad Dominicano, entre nan e presidente Luis Abinader, despues cu el a prohibi e entrada na su pais di decenas di politico- y empresarionan Haitiano.**

Joseph, cu tin prohibi su entrada na Republica Dominicana pa ordo di Abinader for di september di aña pasa, tambe a exige sancionnan pa e ex-presidentenan Dominicano, Hipolito Mejia y Leonel Fernandez, como tambe pa e

minister actual Roberto Alvarez y e director di Migracion di e pais Dominicano, Venancio Alcantara.

Ademas pa varios legislador, entre nan, e presidente di Camara di Diputado, Alfredo Pacheco, como tambe pa empresario- y politiconan condena of imputa pa corrupcion.

Den un carta dirigi na Consejo di Minister, Joseph, un critico fuerte di e politica migratorio di Abinader, a basa su peticion ariba e menasa contra e seguridad nacional di Haiti, e paz y seguridad cu den su opinion e grupo di Dominicanonan aki ta repre-



senta. Pero el a afirma tambe, “pa e corrupcion na gran escala, labamento di placa, malversacion di fondonan publico y

desfalco.”

E otro rasonnan ta e deportacionnan masivo, inhumano y indiscrimina di Haitianonan,

falta di reconocimiento di e derecho na nacionalidad den territorio Dominicano y violacionnan sistematico di e derechonan di e migrantenan Haitiano na Republica Dominicana, cu ta comparti cu Haiti e isla La Española.

E presidente Dominicano a ordena dia 16 di april ultimo pa impedi e ingreso na su pais di varios politico Haitiano, entre nan ex-prome minister Laurent Lamonthe y Evans Paul, y e ex-senador Youri Latortue, cu e interes di proteha e seguridad di e habitantenan di Republica Dominicana.

## Venezuela: Colegio di Defensa di Nigeria ta intercambia experiencia cu FANB

**(ElNacional) – Un delegacion di Colegio di Defensa di Nigeria a yega Venezuela diadomingo pa sostene reunion cu representantenan di e Fuerza Armada Nacional Bolivariana (FANB). Esaki en conexion cu e programa di intercambio di experiencia cu ambos pais ta mantene.**

E Ministerio a informa cu e comite, lidera pa profesor Adam Okene Ahmed, a drenta e pais via Aeropuerto Internacional Simon Bolivar. Eynan embahador di Nigeria na Venezuela, Olorundare

Phillip Awoniyi, a ricibi e delegacion, segun e nota di prensa.

E delegacion, cu ta bay ta na e pais te cu 29 di april, ta realiza e bishita aki cu e obhetivo di conoce e realidad Venezolano y e programanan social. Tambe nan ta bay intercambia experiencia cu autoridanan di gobierno tocante politicanan publico, e documento a señala.

“Venezuela a yega di ricibi otro delegacionnan di e nacion Africano pa comparti experiencia y bon practica cu nan institucionnan den ma-



teria di defensa,” e Ministerio a agrega.

Minister di Relacion Exterior di Venezuela, Yvan Gil, a sa-

luda e yegada di e delegacion y a yama nan bon bini a traves di Twitter. E mensahe tabata compana pa potretnan cu a muestra e funcionarionan di

Nigeria.

Venezuela y Nigeria tin relacionnan bilateral desde 1965. Un vinculo cu, segun e Ministerio Venezolano, a wordo faboreci cu e yegada di e revolucion bolivariano, na poder desde 1999.

Na augustus di 2022, representantenan di ambos pais a celebra e I Reunion di e Comision Mixto y di e Mecanismo di Dialogo Strategico, un mecanismo cu a termina cu e firma di acuerdonan y memorandum di comprendemento, di cual masha tiki detaye ta conoci.



*Dia 2 y 3 di juni den Curacao Festival Center:*

## Caribbean Sun Splash Festival ta presenta Rema, Ashanti, JaRule y hopi mas na Corsou!

**Recientemente Sun Splash Events a tene un conferencia di prensa na Corsou den cual e organizacion a confirma nan line-up pa e festival cu lo ta riba dos dia; diabierna y diasabra, dia 2 y 3 di juni proximo.**

Despues di un fantastico concierto di Burna Boy na october di aña pasa e organizacion Sun Splash mesora a cuminsa traha mesora riba e siguiente proyecto. E biaha aki un festival cu 12 artista reparti den 2 dia di ambiente, dushi cuminda, goso y un variacion amplio di musica. Bishitantenan di e festival lo haya un experiencia total cu diferente area; entre nan un

'foodcourt', un area exclusivamente pa presentacion di DJ internacional y naturalmente e area mas grandi, pa e conciertonan. Sun Splash Events NL a enfatisa durante di e conferencia di prensa cu ta trata di un festival y ta nan deseo pa publico experiencia esaki como tal. Ta p'esey mes, lo pone hopi atencion na e 'foodcourt' di manera cu tur hende por disfruta di e cushina Afrocaribense.

E prome Caribbean Sun Splash Festival Sun Splash Events NL ya bon conoci, ta un organizacion cu ta produci diferente festival Afro na Hulanda y ta forma ekipo cu un team local pa e biaha aki presenta su prome

festival na Corsou. Por confirma cu riba diabierna dia 2 di juni lo presenta; Icons, Amanye, Irsais y e semper popular Ashanti y JaRule. Mientras cu riba diasabra dia 3 di juni lo tin presentacion di Buleria, Lymie Murray, La Rouge, Mr. Vegas, Musa Keys, Gentleman y e fenomenal artista di afro-beat Rema. Tambe riba djasabra lo tin un area dedica na DJ cu lo ta biniendo Corsou for di diferente region e.o. King Kambe (SXM), Dj Nova (JAM), Robin Roxette (NL), JP (NL), DjJah (NL), Dj MBA (NL), Krokz (CUR), y MC ChrisStrick!

Sun Splash Events NL ta premira cu lo tin hopi bishi-



tante for di exterior considerando e entusiasmo grandi for di Aruba, St. Maarten, Surinam y te hasta Hulanda. Esaki mes ta haci cu por confirma cu Jet Air a habri vuelonan extra pa acomoda fanaticonan di e 12 artistanan cu lo ta biniendo Corsou pa

dianan 2 y 3 di juni proximo. Pa vuelonan extra por bishita bo agente di biahe preferi y pa mas informacion/ carchi por bishita <https://tibbaa.com/SunSplash>.

Imagennan di Prensa <https://we.tl/t-zJfDV7PW7J>

## CNN ta despedi Don Lemon despues di racha divisivo den morning show

(AP) — CNN a duna retiro na anfitrión di hopi tempo, Don Lemon ayera despues di su racha cortico y desastroso como anfitrión di un morning show, tiki mas cu dos luna despues cu el a pidi disculpa pa comentarionan en bibo tocante candidato presidencial Republicano,

**Nikki Haley, cu su miho tempo tabata su tras.**

E movida rapidamente a bira mahos. Mientras presidente y CEO di CNN, Chris Licht a anuncia, despues cu Lemon a co-host e show ayera, cu nan a "separa", Lemon a caracteriza esaki como un despido y a bisa cu e tabata un sorpresa

p'e. "Despues di 17 aña na CNN mi lo a pensa cu un persona den management lo a tin e decencia di bisa mi directamente," Lemon a bisa. CNN a bisa cu a duna Lemon e oportunidad pa reuni cu management pero el a publica un declaracion riba Twitter na lugar di esey.



CNN no a duna un spliacion publico pa retiro di Lemon. El a atrae atencion negativo herfst ultimo door di bisa cu mester paga team masculino di futbol Mericano mas cu esun femenino, bisando cu e hombernan ta "mas interesante pa mira."

Lemon tabatin un disputa bon publica al aire cu Collins december ultimo, tempo cu el a acus'e di purba di in-

terumpie. Tambe e tabatin un entrevista en bibo tenso si-man pasa cu candidato presidencial Republicano, Vivek Ramaswamy unda Lemon, kende ta color scur, a disputa e interpretacion di Ramaswamy di historia racial.

E mal vibranan a cuminsa costa CNN benta di aviso y algun potencial invitado tabata sin gana di bay CNN This Morning, segun un miembro di personal di CNN.




# Feliz Dia di Rey!

En conexion cu Dia di Rey  
nos lo ta cera riba:  
**diahuebs 27 y diabierna 28 di april**



**Den caso di emergencia, por yama libremente nos Storingsdienst na 523-7147.**



**CENTRALE BANK VAN ARUBA**

**Servicio di Caha sera pa publico desde  
28 april 2023 te cu 4 mei 2023**

Banco Central di Aruba (BCA) ta informa cu su servicio di caha lo ta sera pa publico desde 28 april 2023 te cu 4 mei 2023 en conexion cu implementacion di su sistema financiero nobo. BCA su servicio di caha lo ta habri bek ariba diabierna 5 mei 2023 conforme su horario usual.

Aruba, 25 april 2023  
Banco Central di Aruba



## Fundacion Autismo Aruba a asisti na e Advocacy Leadership Network Biennial Meeting 2023 na New York, Merca

Recientemente, Fundacion Autismo Aruba (FAA) a ricibi un invitacion pa asina asisti na e reunion anual di 'Advocacy Leadership Network Biennial', cual a tuma luga na New York na Merca e aña aki. Ademá, presidente Carolina Thiel-Span y vice presidente Roelien Hoffman di e fundacion a asisti na e reunionnan aki.

Durante e reunionnan aki diferente punto a bin dilanti manera:

- E importancia di relacion entre advocates, researchers y providers
- E importancia di rela-

cionnan entre gobiernonan y organisacionnan trahando ariba e areanan di desaroyo relata na autismo

- Sistemanan di educacion
- Evaluacionnan y diagnostico
- Innovacion den e area digital di salud y autismo

Tambe a informa riba diferente estudio haci, en particular e "Global Report on Children and Young People with Developmental Disabilities" di WHO y UNICEF unda a splica e futuro di cuida medico y social pa e grupo aki cu ta inclui personanan autista. E "Caregiver Skills Training" di WHO tabata



un punto importante unda a pone atencion ariba e implementacion di e programa aki den diferente contexto cultural. UNICEF tambe a informa ariba e "Global Digital Health Consortium" y tambe e aspecto di innovacion den "digital health" y sigur e im-

portancia di data. Na banda di esaki tur participante por a comparti conocimiento ariba diferente iniciativa den diferente pais, y FAA a informa di e actividadnan nan ta bezig cune y proyectonan cu nan kier cuminsa desaroya y tur cos cu mester



considera na momento cu ta cuminsa desaroya un plan. FAA ta contento di por a asisti na esaki y ta "look forward" pa sigui desaroya material y proyectonan cu e apoyo di partners rond di mundo cu ta trahando ariba un cantidad di proyectonan interesante y ta cla pa apoya FAA y Aruba den esaki.

## Premio di estimulo Copa Hubenil ta bay pa Angela Geerman

E hoben di 14 aña di edad, Angela Geerman, ta bay ricibi un premio di estimulo pa su meritonan riba tereno social. Angela a forma parti di e Proyecto Gen297, un programa despues di oranan di scol pa hobennan di scol secundario auspacia pa Asociacion Trabou di Hubentud pa Aruba (ATHA). Meta di e proyecto ta pa yuda hobennan desaroya nan personalidad, habilidad y conocimiento. Un otro aspecto tabata pa guia nan hunto cu nan mayornan.

Angela a muestra cu e tin talento pa domina e instrumento di cuarta. Pero loke mas a resalta ta cu durante e lesnan, Angela tabata yuda e otro hobennan cu no por a domina e instrumento. E tabata keda

despues di e programa pa yuda haci cushina limpi. Den e proyecto Gen297, Angela tabata un participante y tambe un boluntario pa yuda cu tur tarea. Angela ta un alumno di Colegio Arubano y a yuda hobennan di otro scol manera di Scol pa Preparacion pa Ofishi cu huiswerk.

Asina el a yuda un hoben cu cifranan no desea mehora su prestacionnan na scol cu a duna un resultado cu e hoben a gradua entre e mihornan. Tambe e tabata motiva otro hobennan cu tin problema social. Angela a influencia un hoben cu a resulta di a dicide pa stop di uza substancia adictivo pisa. Pues un hoben cu ta dispuesto pa yuda, comparti y influencia otro pa bay den e caminda corecto cu ta balornan grandi riba tereno boluntario y social.

Angela tabata hunga futbol tambe pa La Fama Damas. E aña aki, Angela a participa den e Proyecto "Aruba Doet" pa yuda verf e edificio di ATHA na Santa Cruz. Asina cu oportunidad presenta, Angela a sa di ta un boluntario pa otro proyectonan pa instancianan no-gubernamental. Angela ta conoci pa tin un empatia impresionante cu su amigo y amiganan cercano, un caracter hopi bunita y un ehempel pa otro hobennan

comparti, yuda otro y guia otro den e caminda corecto.

Angela ta siguiendo training di cosmetologia facial y a wordo scogi entre 6 participante como e miho pa sigui cu e practica na e salon di estetica. Pa su prestacionnan riba tereno social como 'influencer' positivo y como un boluntario hoben, Angela ta bay ricibi e premio estimulo di Copa Hubenil Gobernador Felipe B. Tromp

dia 27 di april proximo for di man di Gobernador Alfonso Boekhoudt.

E ceremonia ta tuma luga na Wilhelmina Park cuminsando pa 9or di mainta.

Comision Copa Hubenil hunto cu Comision Celebracion Dianan Nacional ta invita un y tur pa asisti na e actividad aki riba Dia di Rey y apoya nos hobennan cu ta ricibi un premio pa nan logronan durante aña 2022 y 2023.

### ANUNCIO

En conexion cu Dia di Rey y Dia di Labor, SETAR ta informa cu tur su oficinanan y teleshopnan lo ta cera:

- Diahuebs 27 di april 2023
- Diabierna 28 di april 2023
- Dialuna 1 di mei 2023

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of Whatsapp na 597-9999.

## RETROGRADE RITUAL

Join us under the Full Moon for  
*Meditation and Sound Bath*

April 28, 2023 | 6:30pm | eforea Beach

Mindful meditation can reduce stress, anxiety and a wandering mind and when it comes to Retrograde, it is crucial to keep the mind focused. This mindful meditation and sound healing session will help you do this.

SCAN QR CODE

TO RESERVE YOUR SPOT OR REGISTER AT EFOREA SPA

RESERVATIONS MUST BE MADE UP TO 2 HOURS IN ADVANCE



## Corte Supremo ta tuma casonan di rednan social cu echo di Trump

(AP) — Corte Supremo Mericano a bisa ayera cu ta bay dicidi si oficialnan publico por blokea criticonan di comenta riba nan cuentanan di rednan social, un asunto cu anteriormente a bin dilanti den un caso involucrando ex-presidente Donald Trump.

Dos aña pasa, Corte Supremo a rechasa un caso tocante esfuersonan di Trump pa blokea criticonan for di su cuenta di Twitter personal. Un corte menor a bisa cu Trump a viola e Prome Amienda na momento cu el a blokea un critico pa silencia un punto di bista. Pero Corte Supremo a bisa cu mester rechasa e caso pasobra

no tabatin nada di haci despues cu a suspende Trump permanentemente for di Twitter y su termino presidencial a termina. Desde e tempo ey, a reestablece e cuenta di e ex-presidente.

Awo, e corte a bay di acuerdo pa scucha dos caso involucrando figuranan di perfil hopi mas abao. E prome ta involucra dos miembro electo di hunta di un scol na California, e Poway Unified School District Board of Trustees. E miembronan, Michelle O'Connor-Ratcliff y T.J. Zane a usa cuentanan di Facebook y Twitter pa comunica cu publico. Dos mayor, Christopher y Kimberly Garnier a laga comentarionan critico y contesta

na postnan riba e cuentanan di e miembronan di e hunta y a keda blokea. Un corte di apelacion a bisa cu e miembronan a viola nan derechonan di libertad di expresion door di e blokea.

E otro caso ta involucra James Freed, kende a bira city manager di Port Huron, Michigan na 2014. Freed, kende a keda nombra na su posicion door di alcalde y gemenente, a usa un pagina di Facebook pa comunica cu publico. Na 2020, residente Kevin Lindke a usa e pagina pa comenta varios biha for di tres perfil di Facebook, incluyendo critica pa e respuesta di e ciudad pa pandemia di Covid-19. Freed a



blokea tur tres cuenta y a delete comentarionan di Lindke. Lindke a demanda, pero cortenan menor a bay di acuerdo cu Freed.

Katie Fallow, consehero senior na e Knight First Amendment Institute na Columbia University, cual tabata involucra den e caso di Trump, a bisa cu mas y mas oficial publico ta usando rednan social pa comunica tocante asuntonan

oficial. “Manera hopi corte a sostene, no ta importa si ta e presidente of un manager di ciudad local, oficialnan di gobierno no por blokea hende for di e forumnan aki simplemente pasobra nan no gusta loke nan ta bisa,” Fallow a bisa den un declaracion. “Corte Supremo mester reafirma e principio basico aki di Prome Amienda.”

E Corte Supremo no ta bay scucha e casonan prome cu herfst. E huesnan e siman aki ta scuchando nan ultimo argumentonan programa y ta bay duna decision na mei y juni prome cu bay den break di berano. E corte ta bay reanuda scuchando argumentonan na october.



**Den un resolucion adopta April 7, 2011, Asamblea General di Nacionnan Uni a designa April 12 como Dia Internacional di Vuelonan Espacial Tripula. Exploracion espacial ta provee conocimiento clave di e historia di nos sistema solar. Sin exploracion espacial lo nos no tin satelitenan den orbita.**

Satelite ta asisti nos cu comunicacion global, seguridad y nabegacion aereo, terrestre y maritimo. Sin satelite lo no tawata tin GPS.

Satelitenan por yuda meteorologonan pronostica tempo. Ademá satelite y tecnologia satelital ta hunga un papel crucial den actividadnan di observacion di Tera for di espacio, cual por yuda pa monitor, compronde y adverti nos riba potencial desasternan natural, contaminacion di ocean, factornan cu ta contribui na cambio climatico y salud di ocean y su ecosistemanan, vigila areanan grandi marino proteha, monitorea pesca ilegal y traficion ilegal di droga, asisti cu investigacion cientifico di biologia marino y na final tambe ta esencial pa agricultura, por ehempel den monitorea awa dushi.

E United Nations Office for Outer Space Affairs (UNOOSA) ta e organo di Nacionnan Uni responsabel pa cooperacion internacional den usonan pacifico di espacio ultraterrestre.

**Dia Mundial di Creatividad y Innovacion- april 21**

Dia Mundial di Creatividad y Innovacion ta ser conmemora April 21 y ta enfoca ariba e papel cu industrianan cultural y creativo ta hunga den nos economia local y global y alabes den e procesonan pa soluciona problemanan cu nos ta encontra pa yega na un desaroyo sostenibel. No tin un interpretacion universal di e concepto di creatividad. E concepto por ser comprendi di cubri e spectrum di expresion artistico te cu soluciona problema (problem-solving) den e contexto di desaroyo economico, social y desaroyo sostenibel.

P'esey Nacionnan Uni a designa April 21 como Dia Mundial di Creatividad y Innovacion pa eleva e conscientisacion pa e papel cu creatividad y innovacion ta hunga den tur aspecto di desaroyo humano.

**tecnologia espacial, creatividad y innovacion pa logra e obhetivonan di desaroyo sostenibel**

E edicion No. 6, 2020 di ITUNews Magazine di International Telecommunication Union ta dedica na e tema “Space Science for Achieving the Sustainable Development Goals” y ta enfoca ariba e importancia di observacion di tera for di espacio, monitoreo di atmosfera, ocean y clima.

Pero e importancia di tecnologia espacial ta hopi mas amplio y p'esey den e Resolucion A/76/L3 adopta pa Asamblea General di Nacionnan Uni, 25 october

*Rainbow Warriors International y International Teleport Aruba Foundation*

**Dia Internacional di Vuelonan Espacial Tripula, april 12 y Dia Mundial di Creatividad y Innovacion, april 21**

2021 a crea e Space2030 agenda como instrumento di impulso pa logra e Obhetivonan di Desaroyo Sostenibel (SDGs).

Den e rapport di UNCTAD titula Exploring Space Technologies for Sustainable Development di 2021 ta destaca seis area principal (1) alimento y agricultura, (2) aplicacion den cuidio medico y salud, (3) acceso na telecomunicacion y internet, (4) reduccion di riesgo di desaster y asistencia humanitario, (5) manejo di recurso natural y medio ambiente y (6) reduccion di pobresa.

Den e capitulo dedica na avancen tecnologico recien ta identifica (1) inteligencia artificial y cloud computing, (2) plataformanan emergente di tecnologia satelital y aereo y (3) crowdsourcing.

Tambe ta señala e falta di conocimiento di e beneficiacion di tecnologia espacial y scarsedad di recurso humano y financiero pa utiliza esakinan.

Den un presentacion di Danielle Wood di MIT Media Lab y directora di e Space Enabled Research Group di MIT ta identifica seis tecnologia espacial cu actualmente ta sostene e SDGs: (1) satelllite earth observation, (2) satellite positioning and navigation, (3) human space flight and micro-gravity research, (4) satellite communication, (5) space technology transfer y (6) inspiration from research and education.

E SDG cu mas ta beneficia di tecnologia espacial ta SDG 9, Industria, Innovacion y Infraestructura.

Den e publicacion di UNOOSA y e European Global Navigation

Satellite System and Copernicus, Supporting the Sustainable Development Goals: Building Blocks towards the 2030 Agenda ta duna un resumen detaya pa cada un di e 17 SDGs con por aplica tecnologia espacial. UNOOSA pa facilita acceso na tecnologia espacial pa tur pais por utiliza esaki den logra e SDGs a crea e programa Space4SDGs.

Pa Aruba e sector cu mas lo beneficia di tecnologia espacial pa cumpli cu SDG 9 Industria, Innovacion y Infraestructura ta e asina yama creative industries, identifica tambe dor di Gobierno di Aruba den su rapport Six Promising Sectors.

Kico exactamente nos por interpreta como creative industries? E literatura cientifico ta haci un distincion entre cultural and creative industries (CCIs) y creative industries (Cis) cual ultimo ta ser considera un impulsor (“driver”) pa desaroyo y crecimiento economico. Creative industries tin 13 sector, especificamente:

- (1) advertising y mercadeo,
- (2) arkitektura,
- (3) e mercado di arte y antiguedad,
- (4) artesanía,
- (5) diseño,
- (6) designer fashion,
- (7) industria cinematografico y video,
- (8) software interactivo pa recreo,
- (9) musica,
- (10) artes bellas (literatura, arte escenico, arte visual),
- (11) publicacion imprenta y digital,
- (12) software y computer games,

(13) streaming media, television y radio.

Den e contexto di SDG 9 Industria, Innovacion y Infraestructura creative industries na Aruba ta ser defini pa e sectornan (1) advertising y mercadeo, (2) diseño, (3) industria cinematografico y video, (4) software interactivo pa recreo, (5) musica, (6) publicacion imprenta y digital, (7) software y computer games, (8) streaming media, television y radio.

E conclusion ta cu creative industries na Aruba ta esnan mas indica pa probecha di tecnologia espacial.

Aruba como pais cu un grado halto di digitalisacion, utilizacion di Internet y servicionan online y un infraestructura di telecomunicacion avansa por beneficia di utilizacion di tecnologia espacial pa desaroya su creative industries y amplia su base economico y hasta innova nos turismo den e proceso pa loke ta e forma di experiencia nos isla, cultura y entretenimento ofreci den forma fisico y virtual.

Trinitres aña pasa a funda Stichting Internationale Teleport Aruba (International Teleport Aruba Foundation) cu e meta pa studia pa telecomunicacion avansa y infraestructura digital por contribui na crea sector industrial high tech nobo na Aruba, particularmente usando tecnologia satelital.

Pronto nos lo publica con tecnologia espacial, Space2030 y Space4SDGs por yuda Aruba logra cumpli cu e SDGs y desaroya y innova nos creative industries.



## Polis a bay pa bultonan di droga na Dos Playa

*Pero na nan yegada nan no a haya droga*

Diadomingo mainta a drenta informe di cu tin bultonan cu lo a drif yega na Dos Playa, mesora a dirigi patruyanan na e sitio.

Na yegada di e patruyanan a bin haya bulto berdad, pero ora a bay coba den nan no a haya nada di droga. Polis a tira bista rond y despues nan a bandona e sitio.



## Polis a detene chauffeur burachi y coriendo auto anochi sin e luznan cendi

Diasabra anochi durante patruya polisnan atento di distrito 1 (Oranjestad) a nota un van coriendo sin luz cendi y a para esaki na Nobelstraat.

Ora polis a atende cu e chauffeur a nota cu esaki ta bastante bao influencia di alcohol y a bay over na test e chauffeur. E test a indica cu el a surpasa e limite permiti pa ley y a detene pa core auto bao influencia di alcohol y sin luz cendi.



## Polis a detene turista burachi haciendo fastioso memey caminda strobando trafico

Diasabra atardi a drenta informe di cu tin un hende burachi haciendo fastioso memey caminda strobando trafico banda di Aruba Ports Authority, mesora a dirigi un patruya na e sitio.

Na yegada di e patruya a bin topa cu un turista burachi strobando e fluho di trafico. Polis a yega cerca y a nota cu e homber turista aki ta burachi, polis a detene mesora y a pidi un vehiculo di transporte pa hib'e warda di polis.



## Wardacosta y Cuerpo Policial Aruba ta bolbe logra intercepta botonan


Diabierna 14 di april den oranan di madrugada Wardacosta den bon colaboracion cu Cuerpo Policial Aruba ta intercepta un boto cu a purba drenta Aruba den e parti Nort.

Despues di un persecucion caminda mester a los tiro di advertencia y tiro dirigi riba e motornan di e boto pa Wardacosta por a logra para e boto. Durante e persecucion e personanan abordo di e boto

sospechoso a tira paketenan den lama. Wardacosta a logra detene 9 persona abordo di e boto sospechoso cu tawatin intencion di drenta Aruba. Despues di un buskeda riba lama cu e avion Dash, e helicopter y un Metal Shark di Wardacosta a bin encontra un cantidad substancial di paketenan conteniendo marihuana.

Diabierna 21 di april un biha mas, panort di Aruba,

Wardacosta un biha mas den bon colaboracion cu Cuerpo Policial Aruba ta intercepta un otro boto cu 9 persona abordo cu a intenta di drenta Aruba na un manera clandestino. Den tur dos e casonan e personanan ta procedente di Venezuela. E dos casonan a ser haci den bon cooperacion cu Cuerpo Policial Aruba. E personanan y e droga a ser entrega na KPA.





## Colegio Arubano a titula campeon di futbol mucha muhe den Weganan Interinsular 2023



Durante fin di siman, a tuma luga e competencia escolar entre e scolnan di Aruba, Boneiro y Corsou. Despues di shete aña tan anhela Weganan Inter-

insular ta back. Diasabra merdia, na Cruyff Court Denzel Dumfries a tuma luga e partido final di futbol entre Colegio Arubano y Colegio Nigel Mat-

thew.

Colegio Arubano a gana Colegio Nigel Matthew cu e score di 13 - 3 y ta titula campeon den futbol mucha muhe di Weganan Interinsular 2023. E ekipo di futbol di Colegio Nigel Matthew a keda como subcampeon. Na di 3 luga a keda Scholengemeenschap Bonaire y di 4 luga M.M. Römmschool di Corsou. Minister Endy Croes y IBISA Aruba a haci entrega di e medayanan na e respectivo ganadonan. Concluyendo, Mandatario di Deporte ta felicita e scolnan cu a haci e competencia uno exitoso, alabes ta gradici IBISA y tur cu a haci Weganan Interinsular posibel.

Minister Endy Croes ta felicita Colegio Arubano cu e titulo di campeon di Weganan Interinsular 2023. Cu deseo, disciplina, dedicacion y determinacion boso a logra. Masha pabien!



## Colegio Sagrado Curason a titula campeon di Weganan Interinsular 2023 den volleyball Shete aña consecutivo campeon escolar y prome biaha campeon di Weganan Interinsular

Diasabra atardi, na Compleho Deportivo Frans Figaroa na Noord a tuma luga e wega final di volleyball entre Colegio Sagrado Curason y Maria School.

Mester remarca cu tabata reina un tremendo ambiente, unda cu un fanaticada grandi a bin duna sosten y apoyo na nan ekipo faborito. Den e partido final Colegio Sagrado Curason a gana e prome set 25-17 y di dos set cu e score di 25-2. Pa shete (7) aña consecutivo e scol basico Colegio Sagrado Curason ta e campeon di deporte escolar den e disciplina di volleyball mucha homber. Ekipo di Colegio Sagrado Curason a domina henter e torneo ganando tur wega sin perde un set. Maria School a sali subcampeon di e campeonato escolar.

Na di tres (3) luga a keda Sint Joris School di Curaçao y na di cuater (4) luga Colegio Rayo di Solo di Boneiro. Finalizando, Mandatario di Deporte ta felicita e scolnan cu a haci e competencia uno



exitoso, alabes ta gradici IBISA y tur cu a haci Weganan Interinsular posibel. Minister Endy Croes ta felicita Colegio Sagrado Curason cu

e titulo di campeon di Weganan Interinsular 2023. Cu deseo, disciplina, dedicacion y determinacion boso a logra. Masha pabien!





## Britannia cu un comeback duro

**E siman a cera sumamente positivo pa ekipo di Britannia. Diabierna ultimo, Britannia a enfrenta ekipo di Riverplate y a gana 4 - 1.**

Na Minuut 11' Shair ta manda un pase largo pa Pieter. Pieter ta core full na liña y di forma aki ta asisti y duna un pase na Moises. Asinaki Moises ta marca e prome gol pa Britannia pero tambe su prome gol den e campeonato aki.

Na minuut 24' Juel ta haci un bunita pase pa Moises y esaki ta yega cara cara cu e portero

di Riverplate. Moises ta manda e bala pa gol pero e portero ta duna un rebote y esaki ta kai net bon pa Miguel score e di dos gol pa Britannia.

Miguel ta wordo asisti na minuut 64' door di Ethan. Miguel ta drenta area y keda cara cara cu e portero pero ta vence e portero y anota e di tres gol di Britannia.

Na minuut 90+3' Jonathan ta ricibi e bala for di Juel cu ta core bay liña. Jonathan ta haci un pase largo pa Juel cual ta vence e defensa den velocidad y ta drenta area pa asina

score e gol final di e wega aki.

Wega ta finalisa cu 2 carichi geel pa ekipo di Britannia. Siguiete wega ta tuma lugar Diasabra 29 di April cuminsando 8:30 di anochi na Compleho Deportivo Frans Figaroa. E anochi aki e pumanan di Piedra Plat lo enfrenta e dragonnan di Noord.

Finalmente team di Britannia kier gradici esnan cu ta haci esaki posibel pa medio di un sponsorship y tambe den forma di donacion.



## Nataly Geerman ta clasifica pa Weganan Centroamericanos y del Caribe San Salvador 2023

**Nataly Geerman di e deporte di weightlifting a biha hunto cu su coach pa participa den e Campeonato Centroamericano y del Caribe cu a tuma lugar na Santo Domingo. Esaki tabata e ultimo evento cu tabata clasificatorio pa e Weganan Centroamericanos y del Caribe pa San Salvador 2023 cu un participación di 20 pais. E competencia mes a tuma lugar na Pabellon de Halterofilia Dr. Jose Joaquin Puello den Parque del Este.**

Atleta Nataly cu a bay bon prepara guia pa su entrenador Paul Lara tabata tin un total di 9 atleta fuerte den su categoria di 76kg.

Nataly ta logra den su hisadanan den snatch 90kg ta logra kibra su record nacional cu 2kg y ta rank na di 6 lugar, den clean & jerk ta hisa 121kg ta logra un total di 211kg. Aki Nataly ta kibra su record nacional den total cu 5kg. Cu e total aki Nataly ta termina



na di 7 lugar y ta logra clasifica pa e Weganan di Centroamericanos y del Caribe San Salvador 2023.

Aruba Amateur Weightlifting Association kier a manda palabra di gradicimento na Stichting Sportsubsidie Aru-



ba cu a haci e biahe posible pa e atleta Nataly y su coach internacional Paul Lara por a biaha pa Santo Domingo y tambe pa e sosten di Comité Olimpico Arubano, Comisión Técnico y CEMEDAR pa cu e atleta. Un biaha mas AAWA ta manda felicita Nataly cu a logra clasifica pa e Weganan di CAC San Salvador 2023.

## Tata di futbolista Denzel Dumfries a bishita Minister Thijsen

**Tata di futbolista Denzel Dumfries, Boris Dumfries a haci un bishita di cortesia na Minister Plenipotenciario mr. Ady Thijsen.**

Denzel Dumfries – di origen Arubiano – como defensor a duna un bunita presentacion pa e ekipo Nacional di Hulanda, durante di e Campeonato Mundial di Futbol na Qatar aña pasa. Actualmente

Denzel ta hungador pa Inter Milan. Denzel a cuminsa su carera como futbolista profesional na Sparta Rotterdam. Di Sparta el a bay hunga pa SC Heerenveen, pa despues di un aña scoge pa e team di PSV di Eindhoven. Na 2018 Denzel debuta den e seleccion Nacional di Hulanda. Como aprecio Boris Dumfries a regala Minister Thijsen un shirt di futbol cu e

number 22, cu ta e number cu Denzel ta hunga cune pa e ekipo Nacional di Hulanda.

Minister Thijsen a gradici Boris pa e bunita regalo y a bisa cu Aruba ta hopi orguyoso cu un biaha mas un yiu di tera na hunga pa e ekipo Nacional di Hulanda, despues di Hedwiges Maduro. E potret ta cortesia di Aruba-huis





Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

## BISTA POLITICO

**Minister di Finanzas, Xiomara Maduro (MEP) ta splica na placa chikito e consecuencia cu e mal maneho hiba pa Mike Eman tin pa pueblo awe**  
*E debe cu Mike Eman a haci ta locual ta e origen di e pobreza creciente cu awe nos ta mira na nos Pais*

**E siman a habri cu un reunion publico den Parlamento pa trata e Costo di Bida na nos Pais. Un reunion yama pa e fraccion di AVP den cual mayoria Parlamentario di AVP a briya cu nan ausencia.**

Miembronan di Parlamento a haci nan preguntanan na Gobierno y di parti di Minister encarga cu finanzas publico, Minister Maduro a percura pa splica na placa chikito kico tur ta wordo haci pa stabilisa e situacion financiero di nos Pais Aruba.

Esaki sigur despues cu Mike

Eman a hiba un maneho financiero descabeya cu a debilita e fundamento riba cual Pais Aruba mester por a crece y conoce progreso. Durante e gobernacion di Mike Eman, e gastonan di interes a subi grandemente cu mas di 100 miyon florin a consecuencia di e debe gigantesco di 2200 miyon florin cu Mike Eman a traha sin 'give a damm' cu Pueblo den apenas 8 aña. Gasto di interes awo ta tuma fondonan cu awe por a wordo destina pa trece alivio pa Pueblo. Danki na Mike Eman, awe e placa aki ta bay pa paga gastonan di debe, cu ta fondonan cu ta bay pafo di

Pais Aruba. Nos ta papia aki di 253 miyon florin na gasto di interes den aña 2023, cu ta 1 miyon florin pa cada dia di trabao.

Mas cu claro e debe cu Mike Eman a traha durante e Gobierno di AVP, awe su consecuencia ta cu e ta preta riba e cartera grandi di nos Pais y specialmente riba e cartera chikito di nos Pueblo. No ta e pandemia so a trece presion riba e cartera di Pueblo, e debe cu Mike Eman a haci ta locual ta e origen di e pobreza creciente cu awe nos ta mira na nos Pais.



*Partido MEP: No tin lucha sin sacrificio y no tin sacrificio sin gloria!*

**Dia 24 april 1983, un dia scur den historia di e lucha pa nos Status Aparte**



**Ken por a kere cu 24 di april 1983, esta un dia manera awe 40 aña pasa, lo a bay pa historia pa loke ta trata politica di Aruba y Reino Hulandes? Ningun persona, pasobra e dia ey tabata uno mescos cu cu-alkier otro dia, pero cu tabatin un final casi fatal.**

Hecho ta cu tradicionalmente MEP ta tene su parada di auto riba e diadomingo prome cu eleccion, esta dia 24 di april 1983. Betico Croes na comienso di e parada tabata contento papiando y repartiendo tareanan pa e diferente lidernan di bario. E parada

manera custumber, acompaña pa e Barco di Libertad, a pasa den tur bario di Aruba y caminda e hendenan tabata para cant'i caminda cu bandera saludando e fila. Pueblo tabata contento, specialmente riba e hecho cu algun siman prome, esta 12 di maart 1983 a concretisa e logro di Status Aparte durante e Conferencia di Mesa Rondo na Hulanda. Durante e parada Betico Croes tabata para manera custumber riba e jeep di su ruman Aiky Croes.

Atentado riba bida di Betico Croes  
Na final di e parada, na yega-

da di veld di Winston na Santa Cruz, polisnan a manda e jeep subi e veld locual a sosode tambe. Na e momento ey un van di polis a core pasa banda di e veld pa blokia e pasada. Un agente policial a baha cu pistol den man y ora cu Betico a puntr'e kico ta su intencion, dos tiro tabata e contesta: Uno di advertencia y e otro a traspasa e curpa di Betico y ta perfora su pancreas y su intestinonan. Esnan cu a acompaña Betico den e jeep a lant'e for di suela for di conocimiento y a hib'e urgentemente hospital. Como cu e parada tabata para, masha poco hende a presencia e tiramento aki. Ora cu mas y mas hende tabata yegando e sitio, e multitud a cuminsa lanta contra e polisnan.

Tension den pueblo  
Mientras tanto e atencion a cuminsa cambia den preocupacion pa e estado di Betico y e multitud a cuminsa dirigi nan mes pa hospital. E pueblo tabata conmovi pa loke a sosode cu su lider. Un tension grandi tabata reina y e situacion tabata explosivo. Aruba tabata riba bao, comunicacion telefonico a cay completamente, mientras cu pueblo tabata roga pa su bida. Nos pueblo sinem-



bargo a demostra su civismo y no a comete actonan di destruccion. Tur actividad politico a ser para pa e dia ey y e siguiente dianan. Un alivio grandi a pasa den pueblo ora cu Betico a papia for di hospital na television, pidiendo su pueblo tranquilidad y pa bay vota su diabierna siguiente. Por cierto un eleccion caminda Betico Croes a obtene e record di voto na Aruba, esta 10506 voto riba su nomber.

Recuperacion di Betico Croes  
Despues di algun dia Betico Croes su situacion a empeora y el a wordo transporta pa Jackson Memorial Hospital na Miami. Na Miami poco Betico a recupera di e

herida di bala y dia 26 di augustus 1983 el a bolbe su isla natal, sano y salvo y pa continua cu su lucha pa Aruba su libertad.

E historia cortico aki ta pa recorda un biaha mas cuanto sacrificio, sodo, lagrima y te hasta sanger a wordo derama door di nos Libertador pa awe nos ta un pais autonomo den Reino Hulandes. Pero manera Betico Croes mes semper a bisa cu no tin lucha sin sacrificio y no tin sacrificio sin gloria.

Pues laga e dia di awe ta un dia di reflexion pa nos tur cu firmeza gara e bandera Arubano y sigui lucha pa conserva nos libertad.



Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

# BISTA POLITICO

*Leonardo Figaroa (PdP):*

## Continuando den Politica, representando e simbolo di un politica moderno

**Aruba mi kier anuncia na abo cu entrante 8 di maart 2023, bo tin un organizacion politico nobo. E ultimo lunanan tabata un periodo dificil pa mi, pa motibo di e perdida di mi kerida mama. Despues di esaki, mi mester a puntra mi mes con mi ta sigui awo? sigui cu mi plannan of pone nan na banda un rato? Mi contesta tabata sigui, cu e determinacion pa mi sirbi mi pais.**

Mi sa cu mi por sirbi mi pais solamente riba un partido cu tin idealnan social liberal-progresivo, enfocando riba brinda hobennan y e siguiente generacion cu un espacio pa por sinta na e mesa rondo. Aruba mi trabao ta cuminsa, e caminda pa mi por haci realidad e vision cu mi tin pa Aruba. Mi kier brinda e solucion y e sentimiento di seguridad pa e hobennan estudiante, clase trahado y pensionadonan. Mi vision ta basa ariba crea mas lidernan, stimula participacion y crea un espacio pa pueblo por conecta bek cu politica. Mi kier Aruba por forma parti di e dialogo, pa por yuda crea un vision cu perspectivanan nobo.



Aruba mester vision nobo! Mi ta kere firmemente cu e solucionnan cu Aruba tin mester solamente e generacion cu un vision nobo por contribui na crea esakinan. Durante e ultimo 23 añanan nos a brinda espacio na AVP & MEP pa por dirigi nos pais, lastimamente ambos su resultadonan no ta mucho distinto. Awe tin un pobreza nobo ta reina, e clase medio a disparce, nos sistema di salubridad publico no por carga tur e retonan y nos enseñansa mester perspectiva nobo pa por brinda e lidernan den desaroyo un curriculum riba nivel di siglo 21. Unda esaki lo crea un conexon entre e suministro academico y nos mercado laboral. Mi kier mira un gobierno cu un plan proactivo riba e tema di medio ambiente. Nos Dump y

sistema di desperdicio di sushi ta sclama pa un solucion concreto.

Durante mi 18 luna di reflexion mi a usa e tempo pa pensa riba e consehonan cu mi a ricibi di mi votadornan. Paso cada un comentario mi ta tuma den consideracion y cada un comentario tin un balor. Mi a haci caso na mi votadornan y a acepta cu Accion21 no tabata e organizacion politico cu ta pas cu mi idealnan mas. Pero awe mi kier enfoca ariba e futuro y cual impacto mi kier laga atras pa Aruba. Mi ta kere cu nos gobierno falta vision y tambe direccion pa por yuda e ciudadano. Mi kier contribui na un politica nobo, misa cu hopi hende ta sinti nan mes desconecta, principalmente den nos sistema politico pero mi kier traha incansablemente pa demostra Aruba cu e futuro generacion si kier hiba un politica basa riba contenido y compromiso cualitativo pa alcanza e miho solucionnan pa nos tur.

Kico ta haci mi partido diferente? Primeramente mi escogencia di e estilo pa lidera e partido.

Mi ta opta pa duna e poder bek na cada miembro di nos organizacion politico. Na final di dia un partido politico tin como entidad huridico e status di un "asociacion". Nos kier pa miembronan por participa den e dialogo, vota riba tur proposicion cu nos partijraad ta trece dilanti y traha duro pa duna contenido na nos meta. Mi kier crea lidernan, mi ta kere cu cada individuo tin un cualidad. Mi ta kere cu tur ciudadano di pais Aruba ta suficiente inteligente pa por ricibi tur e informacion y por forma parti di un forma constructivo na e dialogo, pa hunto nos crea un programa di partido cu como punto di salida ta: solucion.

Segundamente, mi kier hiba un campaña cu tin como punto di salida: principianan di nos organizacion politico. Mi kier crea un forum politico unda hunto abo como miembro por participa, cuestiona, wordo informa y educa bo mes pa asina abo por comprende e topiconan y vota conscientemente.

Finalmente, mi kier gradici tur e personanan cu semper a sa di sostene mi. Awe mi

ta haci un peticion na abo pa un biaha mas forma parti di e vision pa crea mas lider, pa conecta e progreso. Mi kier drenta den dialogo cu bo Aruba, mi kier scucha tur e retonan cu abo ta enfrentando diariamente, mi kier brinda bo cu e oportunidad pa bo comparti cu nos tur e retonan ey. Pa na final hunto cu bo crea un programa di partido cu bo por ta orguyoso di dje pa asina nos por bay e eleccion y causa un impacto pa drenta den e proximo gobernacion. Aruba esaki ta bo oportunidad pa forma parti di forum, unda intercambio di pensamiento, dialogo y debate lo resulta den solucionnan concreto. Nos ta un forum politico, mas cu un plataforma politico. PdP ta deriva for di e punto di salida cu nos kier traha pa Aruba, e interes y bienestar general mester prevalece.

Aruba ban hunto crea un direccion nobo, crea lidernan y conecta cu otro, paso e comentarionan constructivo ta primordial pa nos. Ami, Leonardo Figaroa ta spera di por conta cu bo.

*Minister Dangui Oduber (MEP)*

## Otro siman productivo pa ministerio di turismo y salud publico



**Siman pasa tabata un siman hopi ocupa pa Ministerio di Turismo y Salud Publico. Minister Oduber a ricibi e cuentanan anual di aña 2022 di AZV**

**y tambe di ImSan. Den e cuentanan anual por mira e refleho di e maneho cu tin den Salud Publico.**

Den e maneho di minister

Oduber ta enfoca na haci inversionnan continuo den Salud Publico pa mehora e calidad di cuidu cu ta wordo ofreci na nos comunidad y amplia e servicicionan cu ta wordo duna.

Siman pasa a tuma lugar tambe e presentacion di e proyecto di Port City na tur e instancianan financiero di Aruba. Esaki a keda organisa pa Aruba Ports Authority y a tuma lugar na Renaissance ballroom. Port City ta un proyecto cu den e ultimo aña nan ta trahando riba dje y e la wordo diseña bao di e signatura di partido MEP bao gabinete Wever-Croes 1 y 2.

Port City ta un proyecto



grandi cu ta bay rekeri un inversion di 500 miyon dollar for di sector priva. E lo bay crea hopi cupo di trabao, lo yuda na crea un spin off economico pa Aruba y crea en-

trada pa caha di gobierno.

Minister Oduber ta sigui traha pa bin cu desaroyonan grandi y importante pa Aruba.



# Heart to Heart Talk: grupo di apoyo pa hoben por expresa sentimento den espacio sigur y confiabel

**Heart-Centered Leadership Foundation (HCLF) ta anuncia lansamento di 'Heart to Heart Talk', un grupo di apoyo cu ta brinda un espacio sano y confiabel pa hubentud y hoben adulto por crea amistad positivo y combensa tocante di nan sentimento y pensamiento.**

E sesionnan ta ofrece espacio pa dos grupo: hoben entre 13 - 17 aña y hoben adulto entre 18 - 21 aña.

HCLF ta reconoce cu no ta tur hoben ta sinti cu nan por expresa nan mes libremente y ta consciente cu hobenan por encontra reto pa crea

amistad positivo den ambiente di scol. Como fundacion, HCLF ta mira e relevancia di promove oportunidadnan pa hoben y hoben adulto unda nan por wordo scucha y apoya. E sesion aki ta brinda espacio pa grupo di hoben y grupo hoben adulto comparti nan experiencia den bida diario unda nan por siña y motiva otro dentro di nan mesun seno, mirando cu nan por encontra e mesun tipo di circunstancianan cual ta haci nan compronde y sostene otro mas mihor compara cu persona mas di nan edad.

E intencion di e grupo di apoyo ta pa hoben y hoben adulto por sinti nan mes confortabel pa papia cu con-



fianza, por compara e sesion aki manera un momento social den grupo chikito unda amigo of amiganan ta bin hunto y expresa nan mes cu hendenan cu ta comprende


nan y balora nan bienestar. E sesionnan aki ta yuda hoben desaroya curashi pa expresa nan sentimentonan, siña conoce di nan mes y otro, forma conexion y amistad positivo, sinti confianza pa combensa di temanan manera salud mental, amor, stress, y mas. Durante 'Heart to Heart Talk', hoben y hoben adulto por siña compronde y duna voz na locual nan ta sinti.





















Pa HCLF por logra su meta pa cultiva capacidad positivo den hoben y hoben adulto cu lo por sostene nan na momento di enfrenta circunstancianan den nan bida diario, fundacion ta encurashar mayornan pa considera 'Heart to Heart Talk' pa nan yiu por siña comparti for di nan curason y crea relacionnan positivo cu lo por sostene nan den nan trayecto di bida.

Sesionnan lo tuma luga na Teresita Center, San Nicolas. Fecha pa grupo di hoben ta Diaranson, 3 di mei y grupo

di hoben adulto ta Diahuebs, 4 di mei. Orario pa tur dos sesion ta 3:00 PM. E grupo di apoyo aki ta completamente gratis. Mayornan por ricibi mas informacion door di bishita website [www.hclfaruba.org/our-events](http://www.hclfaruba.org/our-events). Tambe por comunica cu Heart-Centered Leadership Foundation na 5841211 (WhatsApp) y via email [keanu.hclfaruba@gmail.com](mailto:keanu.hclfaruba@gmail.com). Espacio ta limita.

E programa aki ta parti di e proyecto "Connecting Hearts" y ta posibel danki na fondo parcial di CEDE Aruba y Samenwerkende Fondsen Cariben.

Resultado Sorteo april 24, 2023			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
8466	5980	8695	4660
7811	6643	SUPER5	7910
6617	4550	-	0291

MERDIA	ANOCHI																				
 Sorteo # 3893 8244 3333 6281  X5  Sorteo # 3893 9823  Sorteo # 1949 0871  Sorteo # 3893 5673 Aries  Sorteo # 767 711  X3	 Sorteo # 7924 5756 2496 1855  FP  Sorteo # 6968 0670  Sorteo # 1673 3229  Sorteo # 5727 8747 Scorpio  Sorteo # 657 991  X2	 Sorteo # 0 x Jackpot 0 x Match 4+ 0 x match 4 0 x Afl. 12,00  Sorteo # 6099 1 x Jackpot 8 x Match 4 387 x Afl 8,00  Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00   Sorteo #	<table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">1.425.000,-</td></tr></table> <table><tr><td colspan="2">13-23-24-25-30</td></tr><tr><td colspan="2">Proximo Jackpot</td></tr><tr><td colspan="2">50.000,-</td></tr></table> <table><tr><td colspan="2">Mega Ball:</td></tr><tr><td colspan="2">Proximo Jackpot</td></tr><tr><td colspan="2">320.000,-</td></tr></table> <p>Afl. 420.000,-</p> 	Joker	Letter	Proximo Jackpot		1.425.000,-		13-23-24-25-30		Proximo Jackpot		50.000,-		Mega Ball:		Proximo Jackpot		320.000,-	
Joker	Letter																				
Proximo Jackpot																					
1.425.000,-																					
13-23-24-25-30																					
Proximo Jackpot																					
50.000,-																					
Mega Ball:																					
Proximo Jackpot																					
320.000,-																					

**SOLUCION DI DIASABRA**

3	5	6	8	2	7	4	1	9
8	7	4	1	5	9	2	3	6
1	2	9	3	4	6	5	7	8
6	1	2	9	7	5	3	8	4
4	3	5	6	8	1	9	2	7
7	9	8	2	3	4	1	6	5
2	4	1	7	9	8	6	5	3
9	8	3	5	6	2	7	4	1
5	6	7	4	1	3	8	9	2

## King Classic Sudoku

							8	9
	4	7	3	9	8			1
	9	8	4		6			
		3	2		1	6		
6	5					3	1	
		4		6	3			
4	7	9	6		5		3	
5	2			3	9			6
8	3			4		1		

Difficulty: ★★

4/25



# Clasificado

**ECONOMICO** aviso@bondia.com

Personal GRATIS max. 20 palabra  
PASA LAGA BO AVISO NA OFICINA DI BON DIA  
ARUBA WESTSTRAAT#22 FOR DI 9:00AM-4:00PM  
Email nos na  
classified@espnv.com

**TA BENDE**  
un auto kia-optima 2016 bon  
condishon prijs fls 18.000  
jama na cell 5923254 prijs ta  
discutibel

**AUTO Y HERO BIEU**  
Nos ta piki auto, aircu y bateria  
bieu pornada. Frigidaire, stoof,  
wasmachin, tv ta 10,=.  
**Yama 561 4597 / 561 5179**  
Arubiano Balente

**SERVICIO PUBLICO**  
Handyman  
Pa trabou di verfmiento  
plumbing tuberia, chapi,  
limpieza di cura, drecha mata  
**Tel : 567 1108**

**TA BUSCA**  
Shiribana Cafe  
ta busca  
dos Koki  
cu experiencia, pls yama na  
**Tel. 594 8050/ 587 5164**

**TA BENDE**  
Combo di regalo pa tur  
ocasion: Mugs, kerki di biña,  
tablashi cu leyenda  
Pa mas informacion  
**Cell whatsapp 567 2907**

**TA BENDE**  
1 set di aparato pa pone taira  
patras auto chowe auto grandi  
2 biem pa pone patras di  
pick up pa lastra trailer.  
Bon prijs  
**Tel. 594 8842**

**SERVICIO PUBLICO**  
Construction  
remodelacion di cas, traha cas,  
apartment, traha y drecha dak,  
electricidad, verf pega mosaico,  
traha cura, plomeria. Bon prijs  
**Tel. 593 3141**

**TA HUUR**  
Se alquila habitacion con todo  
incluido  
Brikstraat na Playa  
**Tel.564 1979**

**FOR RENT**  
Bunita cas na Gold Coast  
3 camber 2 1/2 baño, sala,  
comedor, cucina y patio. Pa  
mas informashon por  
whatsapp  
**+58 414 614 7440**

**SERVICIO PUBLICO**  
Buscando auto pa huur y na bon  
prijs? yama nos  
**Tel. 593 9953/ 593 8453**

**SERVICIO PUBLICO**  
Sra. ta haci cas y negoshi limpi  
tambe por cuida baby y hende  
grandi part time y full time  
**Tel. 740 7573**

**SERVICIO PUBLICO**  
Pa trabou di data-entry of  
update di bo administracion pls  
contact:  
**Tel.5682339**

**TA BENDE**  
BBQ Grill tipo cilinder  
"criyoyo" duradero  
Prijs Afl.250  
**Tel. 569 7787**

**SERVICIO PUBLICO**  
Ta haci tur trabou di  
construccion y carpinteria y tur  
cos cu ta furamento di stul di  
bambu, cabana y toldos  
**Tel : 746 0518 / 569 7539**

**SERVICIO PUBLICO**  
Mi ta ofrece servicio di  
electricista en general corto  
circuito y mantencion  
**Tel.566 5026**

**SERVICIO PUBLICO**  
Sushi den cura pa solamente  
50,- pa buelta, nos ta lante lague  
limpi mane un soño.  
Arubiano trahado  
**Call 592 5766**

**SERVICIO**  
Unified One Events  
Photos , films, wedding  
**Tel. 749 2533**

**TA HUUR**  
Un camber cu tur cos inclui na  
Brikstraat 1  
**Tel.564 1979**

**Sushi den cura?**  
Ta piki sushi cu pick-up  
grandi pa Afl 75,= pa buelta.  
Yama nos na  
**561 4297 of 561 5179**  
Hasi Aruba Limpi.

**SERVICIO PUBLICO**  
Ta traha y renoba Cas  
ta traha y drecha dak, ta basha  
vloer, pleister, verf cas, traha  
cura, pega mosaico y azulejo-  
**Tel.563 4168**

**SERVICIO PUBLICO**  
Masaje relajante, sports ma-  
sajes, aroma terapia, piedras  
calientes, reflexologia, faciales  
Sabana Basora # 157 P.Ch.  
**Tel. 561 8520**

**SERVICIO PUBLICO**  
**Limpiesa pa cas y auto**  
Presure wash cura di cas  
Laba muebles  
Laba tapijt  
Laba sienta di auto  
Laba vloer  
**Tel. 593 9464**

**SERVICIO PUBLICO**  
Nos ta haci trabou di  
plomeria, electricidad,  
hardineria incluye hiba sushi  
Handy man.  
**Tel.742 6250**

**SERVICIO PUBLICO**  
Mi ta ofrece pa cuido di mucha  
di dialuna pa diabierna y  
weekend. Pa informacion  
**Tel. 558 7310**

**TA BENDE**  
Caha di Orgel.  
Tin 3 cylinder NOBO.  
Pa mas informacion yama  
**Tel. 593 0203**

**SERVICIO PUBLICO**  
Mi ta chapi, lanta sushi, corta  
mata, transporta frigidaire, was-  
machine biew, drecha cas, etc.  
**Tel. 564 1979**

**SERVICIO PUBLICO**  
Nos ta chapi, corta y planta  
mata, brinda tur servicio cu bo  
cura mester. Tira sushi afo, tur  
esaki na un super bon prijs  
**Tel. 738 1908**

**SERVICIO PUBLICO**  
Pa tur trabou di tapiceria di  
mueble, auto, yate y barco.  
Nos ta haci trabou di cabana y  
bambu y nos ta verf  
**Tel : 569 7539 /737 3993**

**SERVICIO PUBLICO**  
Pa haci trabow di verf y chapi,  
tur mantencion di pafor di cas  
Yama y puntra pa Benito na  
**Tel.630 5185**

**SERVIO PUBLICO**  
Ta ofrece pa verf y chapi cura  
bon prijs. Nos ta hiba e sushi.  
Yama pa mas informacion na  
**563 4828 / 5679610**

**TA BUSCA**  
trabou pa haci cas limpi,  
negoshi of oficina  
**Tel.561 3910**

**TA BUSCA**  
trabou pa haci cas limpi,  
negoshi of oficina  
**Tel.561 3910**

**SERVICIO PUBLICO**  
Hacemos todo tipo de construc-  
cion, reparacion de casas, pin-  
tura, acabados finos, jardines,  
patios, techos a buenos precios  
**Tel. 569 7539 / 746 0518**



**Cas Di Cultura**  
Vondellaan 2 Aruba  
297-582-1010  
**F A D A**  
Campanastraat 5 Aruba  
297-583-2999  
297-583-9610  
**F A V I**  
Primavera 233 Aruba  
297-582-5051  
297-582-5222

**F E P O**  
Engelandstraat 15 Aruba  
297-583-1016  
297-583-6607

**Fundacion Contra  
Violencia Relacional**  
Tel: 583-5400

**Fundacion Autismo  
Aruba**  
Irenestraat 21 Aruba  
297-588-1179

**Fundacion Pa Nos  
Muchanan**  
Cumana 2 Aruba  
297-583-4247

**Fundacion Tel Pa  
Hubentud**  
Wilhelminastraat 19  
Aruba  
297-588-6138  
**Koningin Wilhelmina  
Fonds**  
Spinozastraat 9 Aruba  
297-582-0412

**Mary Joan Foundation**  
Sabana Blanco 8 Aruba  
297-588-9999  
**Rode Kruis Aruba**  
Pedro Gallegostraat 14  
Tel.297-582-2219  
Fax 588-3376

**Famia Planea (SBVO)**  
Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.  
com

**Stichting Fundacion  
Guia Mi**  
George Madurostraat 34  
297-582-0088

**Y M C A**  
Calbasstraat 1 Aruba  
297-582-3072

**AL-ANON group**  
Sabana Liber #8, Noord  
(close to the hotels)  
Tel: 736-2952 or  
593-7081

**Dokter na warda**  
**Oranjestad** **San Nicolas**  
**Hospital** **Imsan**  
7:00 pm / 10:00 pm **24 ora**

**Botica na warda**  
**Oranjestad:** **San Nicolas:**  
Eagle Centro Medico-  
Tel. 587 9011 Tel. 584 5794

**EMERGENCIA** **911**

**POLIS**  
**Oranjestad** **100**  
**San Nicolas** **104**  
**Santa Cruz** **105**  
**Noord** **107**

**Tip Line**  
**11141**  
**Brandweer** **115**  
**Ambulance** **911**  
**Hospital** **527-**  
**4000**  
**Imsan** **524-8833**  
**Warda Costa** **913**  
**Seguridad Nacional** **11911**  
**Cruz Cora** **582-2219**

**BOTICA**  
**Aloe** **584-4606**  
**4 Centro Medico** **584-5794**  
**Central** **585-1965**  
**Dakota** **588-7364**  
**Del Pueblo** **582-1253**  
**Eagle** **587-9011**  
**Kibrahacha** **583-4908**  
**Maria** **585-8145**  
**Di Servicio Noord** **586-4606**  
**Oduber** **582-1780**  
**Paradera** **588-6638**  
**San Lucas** **584-5119**  
**San Nicolas** **584-5712**  
**Santa Anna** **586-8181**  
**Santa Cruz** **585-8028**  
**Sero Preto** **584-4833**  
**Trupial** **583-8560**

**UTILIDAD**  
**Setar** **117**  
**Web** **525-4600**  
**Elmar** **523-7147**

**FUNERARIA**  
**Aurora** **588-6699**  
**Royal Funeral H.** **586-4444**

## Servicio di Taxi

**Aruba Transfer Tour &  
Taxi C.A.**  
Tel: 582 2116 /582 2010

**Taxi Adres Services (24h)**  
Tel. 587 5900

**A1 Taxi Services Aruba**  
Tel: 587-8850  
Tel: 280-2828  
Whatsapp: 592-7024



# Aurora

## Royal Pray

Funeral Home & Crematory

Tera ta di SEÑOR, y tur loke cu e ta contené, mundo, y esnan cu ta biba den djé. Pasobra El a fund'é riba e lamannan, y a stables'é riba e ri-unan  
Salmo 24: 1-2



**Louis S. Pauléus**  
Cariñosamente yama "Paul"  
\*12-07-1955 - †18-04-2023

Na number di su:  
Casa:  
Limane Cazeau Pauléus

Rumannan:  
Marie Pauléus  
Lévè Pauléus  
Alourdes Civil  
Enny Desrosiers

Yiunan:  
Sophonie Pauléus Marcelus casa di Edwidge Marcelus  
Youseline Pauléus Antoine  
Evodie Pauléus  
Woodlyne Pauléus  
Woodthes Pauléus casa di Trina Pauléus  
Yrmane Pauléus st Robert casa di Iscarde st Robert

Nietanan:  
Christal Antoine yiu di Renel Antoine  
Ashmaila Antoine yiu di Renel Antoine  
Shania Frederic  
sImani Marcelus  
Naphtalie Donata

Demas Famia  
Ruman di misa Aruba

Ta invita pa acto di entierro cual lo tuma lugar na Aurora Funeral Home diamars 25 di April 2023 di 2'or pa 4'or di atardi. Despues lo sali pa Santana Central Sabana Basora.

Condolencia lo tuma lugar na Aurora Funeral Home dialuna 24 di April 2023 di 7'or pa 9'or di anochi.

Despensa nos pero despues di entierro nos no por ricibi bishita di condolencia na cas.

# Aurora

## Royal Pray

Funeral Home & Crematory

"Señor ta mi wardador, mi'n tin falta di nada.  
Den cunucu di yerba berde e ta ponemi sosega.  
E ta hibami na awa trankil,  
pa mi bolbe haña forsa".  
Salmo: 23

Cu inmenso tristesa na nos curason, nos ta participa fayecimento di:



**Mario Lugo**  
Mihor conoci como: "Mai"  
\*12 september 1945 - †19 april 2023

Mayornan:  
†Arbolina Paesch y †Adan de Jesus Lugo

Na number di su:  
Yiunan:  
Michael Croes y famia  
Sharin y Abelo Cabral de Andrade y famia  
Nieto y nietanan:  
Ayscheline Jansen y famia  
Esmeralda Croes  
Ricardo Croes y famia  
Corien Croes y famia  
Shabela Cabral de Andrade y Edson Thiel y famia  
Abelo Jr Cabral de Andrade y Mitylene Tromp  
Sharibel Cabral de Andrade  
Rumannan:  
Armando y Fermina Lugo y famia  
Maria y Juan Wernet y famia  
Martin Lugo  
†Efrain Lugo  
Juan Paesch  
Damasco Paesch  
Vicky Paesch y Fernando Figaroa y famia  
Mescos cu ruman:  
Angelberta Croes y famia  
Sobrinu y sobrinanan:  
Marlene Wernet y Laiyoni Werleman y famia  
†Francis y Elizette Wernet y famia  
Lilian Wernet  
Fernandito y Suehen Figaroa y famia  
Edward Figaroa y Micheline Remy y famia

Bisanieta y bisanietanan, swa y cuñanan, primo y primanan, amigonan di cas, bisña y conocirnan y demas famia na Aruba y Venezuela.

Famia:  
Lugo, Paesch, Croes, Cabral de Andrade, Thiel, Tromp, Petrochi, Werleman, Jansen, Danje, Ras, Wernet, Figaroa, Geerman, Segura, Erasmus, Morel, Pourier, Remy, Koolman,  
Marin, Lampe.

Ta invita pa acto di condolencia y entierro cual lo tuma lugar Diaranson 26 April 2023, for di 2or pa 4or di atardi, na Aurora Funeral Home y despues lo sali pa Santana Catolico Kranwinkel na Paradera.

Nos ta lamenta cu despues di entierro nos no por ricibi bishita di condolencia na cas.

Nos disculpa si den nos tristesa nos por a lubida al-gun famia, amigo of conocir.

# Aurora

## Royal Pray

Funeral Home & Crematory

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"  
Salmo 33



**Sr. Robert Ray Reyes**  
Mihor conoci como "Roy"  
\*December 8, 1946 - †April 19, 2023

Na number di su:  
Querida esposa: Rina Reyes-Kock

Yiunan:  
José "Jobert" Reyes y Julianne Reyes-Comenencia  
Jean-Carlo Reyes y Lysandra Donata

Nieto y Nietanan:  
Jeaun, Luke, Dara, Damen y Elenah

Rumannan:  
Audrey y †Ivan Mauw A Sam-Jeuken  
†Walter y Lupe Jeuken y famia  
Dianna y Leo Lemmens-Jeuken y famia  
†Stanley y †Gioconda Reyes y famia  
Adrianus "Jhon Jhon" y Maricarmen Reyes y famia

Swa y Cuñanan:  
Marcelo y Carmen Luisa Kock y famia  
Ricardo y Sita Kock y famia  
†Juan y Irma Kock y famia  
†Ignacio "Nico" Kock  
Lidia Kock y †Francisco (Chito) Quandus y famia  
Chicho y Anyela Kock y famia  
Susana Kock y famia

Amigonan di cas: Lucio Vrolijk y famia  
Lino Irausquin y famia  
Ronny Donata y famia  
Papito Comenencia y famia

Doñonan di trabou: Fernando y Jossy Da Costa Gomez

Subrina y Subrinonan, Primo y Primanan,  
Conocirnan, Coleganan di Gomez Enterprises  
Aruba & Curacao y King Ocean Services Miami y  
Amigonan di clubnan di auto clasico

Demas famia: Reyes, Jeuken, Lemmens, Mauw A Sam, Pellicer, Pichardo, Kock, Quandus, Werleman, Vrolijk, Irausquin, Donata, Comenencia y demas famia y conocirnan

Nos sincero disculpa si den nos momento di tristeza por a lubida di menciona un of otro persona

Ta invita pa e acto di condolencia y despedida cu lo tuma lugar diamars 25 di april 2023 na Aurora Funeral Home di 6'or di atardi pa 9'or di anochi. Cremacion lo tuma lugar den seno di famia.

Despues di entierro no ta ricibi bishita

Na lugar di krans un donacion na Wilhelmina Kanker Fonds lo ta altamente aprecia  
Lo tin un box disponibel pa esaki

Nota: No ta permiti pa filma ni saca potret di defunto



# Aurora

## Royal Pray

Funeral Home & Crematory

"Senor ta mi wardador, pues lo mi no tin falta di nada. Den cunucu di yerba berde e ta pone mi sosega"  
Salmo 23:1

Cu honda pena pero conforme cu boluntad di Dios, ta anuncia cu a fayese cristianamente:



**Rita Werleman – Winterdaal**  
\*30-05-1943 - †24-04-2023

Mayornan: †Teofilo (Beto) y †Ida Winterdaal

Esposo: †Alex Werleman

Yiu: Glenda y Armando Kelly

Nieto: Jeanmichel

Rumannan:  
†Simona y †Dufi Rasmijn y famia  
†Maria y †Poly Kelly y famia  
Luisa y †Chido Feliciano y famia  
Lucia Winterdaal  
Olga y †Lee Franken y famia  
†Ale Winterdaal  
†Felis Winterdaal

Sobrinonan y Sobrinanan

Sobrinonan y Sobrinanan di †Alex

Demas famianan, bisinjanan y conocirnan.

Acto di entierro lo tuma lugar diabierna 28 di april na Misa Inmaculada Concepcion na Santa Cruz y despues pa Santana Catolico na Santa Cruz.

E resto mortal lo ta reposa di 2or pa 4or den Misa.

Ta lamenta cu despues di entierro lo no ricibi bishita di condolencia na cas.



WWW.BONDIA.COM

# Aurora

## Royal Pray

Funeral Home & Crematory

Señor ta mi wardador, mi'n tin falta di nada den cunucu di yerba bèrdè  
E ta pone mi sosegá.  
E ta hiba mi na awa trankil, pa mi bolbe haña forsa.  
Psalm 23

Cu dolor profundo na nos curazon pero conforme cu boluntad di Dios, nos ta anuncia fayecimento di:



**Kathleen Raquel Gomes**  
\*27-03-1969  
†18-04-2023

Acto di entierro lo wordo anuncia despues!


# Aurora

## Royal Pray

Funeral Home & Crematory

"Señor ta mi wardador, mi'n tin falta di nada Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Nos ta anuncia fayecimento di:



**Alicia Quandt**  
\*15-08-1938 - †20-03-2023

Acto di despedida lo wordo anuncia despues.

# Aurora

## Royal Pray

Funeral Home & Crematory

Bo a kambia mi luto na baile,  
Bo a kita mi paña di rou,  
kaba bo a bisti mi di fiesta.  
Salmonan 30:11

Cu inmenso dolor na nos curazon pero conforme cu boluntad di Dios nos kier anuncia fayecimento di:



**Yolanda Jansen Croes**  
mihor conoci como: "Yol" of "Oma cabei cora"  
\*08-03-1938 - †21-04-2023

Na nomber di su:  
Casa: Tirso Jansen

Yiunan: Naomie Ponson & Byron Holsman  
Janine Ponson  
Cheryl Adamus

Nieto(a)nan: David & Angelique Dania  
Daphne Wouters  
Kadhir Lourens & Lin Braams  
Nabila Lourens & Ashley Tromp  
Shaelly Ras  
Randon Koolman & Devin de Veer  
Shayna Koolman

Bisanieto(a)nan:  
Iceik, Iziandra, Ivy-ëly, Kayno, Finley  
Rumannan:  
Arturo "Tuyo" Croes  
Jose-Francisco "Pancho" Croes  
Cuña: Elvia Croes

Yiunan di su casa: Giovanni Jansen y famia  
Naishel Jansen  
Giovonne Jansen  
Aishela Jansen  
Mazzarella Jansen  
Marielys Jansen

Subrino(a)nan: Eddie  
Viveca, Armando, Bianca, Alexander  
Miriam, Johannes, Yvonne  
Blanca, Joselin  
Ghislaina, Naomi, Jeremy, Derrick  
Primanen mas yega: Sandra y Sarina  
Amigonan di cas: Luz, Ina, Randolph

Y demas prima y primonan, comer y compernan Kier a invita tur amigo, bisiña y conocir pa asisti na e acto di entierro cual lo tuma lugar diaranson 26 di april 2023 di 2or pa 4or di atardi na Misa Santa Theresita na San Nicolaas y sigi pa cremacion den seno familiar.

Oportunidad pa condolencia lo ta diamars 25 di April 2023 di 6or di atardi pa 8or di anochi na Pray Funeral Home na San Nicolaas.



## Biden lo revela esfuerso nobo pa protege Sur Korea di arma nuclear

(AP) — Presidente Joe Biden ta bay usa e bishita estatal celebratorio e siman aki di presidente Sur Koreano, Yoon Suk Yeol pa subraya cu Merca ta cla pa aumenta su esfuersonan pa disuadi un atake di Nort Korea riba Sur Korea, segun Cas Blanco.



Biden ta bay anuncia esfuersonan specifico nobo pa disuasion nuclear como tambe

un iniciativa nobo di seguridad cibernetico, inversion

economico y un asociacion educacional, parti di un esfuerso pa resalta e amplitud y profundidad di e relacion entre ambos pais mientras nan ta marca e di 70 aniversario di nan aliansa, segun consehero di seguridad nacional di Cas Blanco, Jake Sullivan a bisa.

Oficialnan di Cas Blanco ta bisa cu Biden tin speranza di pone enfasis particular riba e compromiso di Merca pa dis-

uadi accion nuclear di Nort Korea, mientras Pyongyang a aumenta su test di misil balistico, incluyendo test di vuelo di un misil balistico intercontinental cu fuel solido pa prome biaha e luna aki. E di dos test ta ser mira como un posible avance den e esfuersonan di e Nort pa adkeri armanan mas poderoso y mas dificil pa detecta pa ataca e continente Mericano. Sullivan no a duna ningun

detaye riba e esfuersonan di disuasion nobo prome cu anuncio di e lidernan, pero a bisa cu Merca ta buscando pa manda un mensahe cla na Pyongyang tocante su retorica cada bes mas agresivo.

Biden tambe ta spera di usa e bishita, cuminsando awe, pa subraya e importancia di Sur Korea y Hapon construyendo riba nan lasonan di seguridad.

## Mas di mil migrante ta yega isla Italiano 23 ta desaparecido

(AP) — Cu regreso di marea tranquil, traficadornan di migrante a lansa decenas di barco for di Tunisia durante weekend y alrededor di 1,200 persona a yega un isla minusculo Italiano unda varios a keda reporta como desaparecido na lama, segun wardacosta Italiano a bisa ayera.

Oficialnan di wardacosta a bisa den un declaracion cu nan a responde na 35 barco cu a sali di Tunisia, di cual tres a bin den problema. Den un naufragio como 20 miya nautico leu di e isla di Lampedusa, barconan di wardacosta y polis a bisa cu tres migrante

tabata desaparecido. Den un di dos, den area di buskeda y rescate di Malta, sobrevivientenan a bisa cu como 20 persona a desaparece, mientras den e di tres, tambe den area di rescate di Malta, rescaticanan Italiano a recupera curpa di un homber, segun wardacosta a bisa.

Como 20 otro barco yen di migrante tabata den lama ayera nochi, a bisa. Wardacosta a bisa cu ekiponan di aereo y naval di wardacosta, polis di frontera, agencia di proteccion Europeo (Frontex) como tambe organisacionnan humanitario tabata involucra den e asistencia.



Decenas di migrante a sinta ayera mainta cerca di puerto di Lampedusa, wardando pa keda transferi na e shelter sobrepobla na e isla of eventualmente na Sicilia of Italia continental.

Anteriormente ayera, un barco di pesca Tuniso cerca di Lampedusa a duna asistencia na un barco den problema cu 34 persona y restonan di un fayecido abordo, y a transferi despues e sobrevivientenan na un barco di wardacosta

Italiano, segun medionan di comunicacion Italiano. Riba diadomingo, cu lama tranquil despues di condicionnan dificil durante cuatro dia, un total di 640 migrante a yega Lampedusa, y centenares mas ayera.

Siman pasa, autoridadnan Italiano a usa ferry comercial y barconan militar pa transferi migrantenan for di Lampedusa na Sicilia of e continente — treciendo e centro di migrante na Lampedusa bao di su capacidad di aproximadamente 400 persona. Pero cu e cantidad di barco yegando desde diadomingo, e cantidad di migrante eyan rapidamente a aumenta y autoridadnan atrobe a haya dificultad haciendo areglo pa mas transferencia for di e isla.

Maske presidente ultraderechista Giorgia Meloni a dirigi un accion contra tanto traficador como barconan di caridad, mirantenan ta keda

riesga biahenan peligroso den Mediteraneo Central — saliendo for di Tunisia, Libia y Turkia — cu speranza pa haya trabao of famia na Europa. Segun cifranan di Ministerio di Interior Italiano, pa dialuna mas cu 36,600 migrante a yega Italia desde comienso di aña. Esey ta mas cu cuatro biaha pa e mesun periodo den cada un di e dos aña anterior.

Italia ta rechasa mayoria di nan solicitud pa asilo pasobra ta huy pobresa, no guerra of persecucion. Pero ya cu apenas un manyan di pais tin acuerdo di repatriacion cu Italia, e migrantenan cu faya nan intento pa haya asilo hopi biaha ta keda añas den limbo legal, of ta purba di busca manera pa yega paisnan den nort di Europa.

E suplica di Italia pa nacionnan di Union Europeo tuma algun di e migrantenan en gran parti a keda sin oido pa añas.

## Susan Rice, consehero top di politica domestico di Biden, ta retira

(AP) — Presidente Mericano, Joe Biden a bisa ayera cu su consehero top di politica domestico, Susan Rice ta bandonando su posicion otro luna.

Como director di Consejo di Politica Domestico di Cas Blanco, Rice tabatin influencia amplio riba e maneho di e administracion pa cu cuido di salud, inmigracion y desigualdad racial. E tabata un cambio sorprendente pa Rice, un experto Democrata den politica exterior cu e fungi como consehero di seguridad nacional di ex-presidente Barack Obama y como embahador na ONU, e unico persona pa fungi den ambos posicion. El a traha di cerca

cu e tempo ey vice-presidente Biden den e rolnan aki y tabata riba su short list pa bira su companero di campaña na 2020.

“Mi ta asina orguyoso di tur loke nos a logra hunto pa pueblo Mericano,” Rice a bisa den un tweet, gradiciendo Biden.

Rice, kende su ultimo dia di trabao ta bay ta 26 di mei, tambe tabata un actor importante den esfuersonan di administracion di Biden pa maneha e aumento den cantidad di migrante na frontera Merca-Mexico door di rechasa hopi migrante cu a crusa e frontera ilegalmente. Na lugar di esaki, Merca a bay

di acuerdo pa acepta miles di migrante cada luna tanten cu nan yega legalmente, tin sponsor eligible y ta pasa chequeo di background. Algun defensor di migrante a mira e decision como un cambio na derecha, criticando e administracion pa aleha di promesanan pa ta mas humano den politicanan di migracion.

E siguiente persona nombra na e posicion ta bay tin un enfoko diferente. Cu un Congreso dividi y expectativanan mas abao pa pasa legislacion mayor, e consehero nobo pa politica domestico ta bay traha riba implementacion di politica.

  
BOOGAARD ASSURANTEN NV  
B118-0001 CIVIL-ANET  
BOOGAARD.NL

*Cu inmenso tristesa nos ta participa  
fayecimento di nos colega stima*

*Mildred "Milly" Kock*

*07.07.1958 - 18.04.2023*

*Nos profundo palabranan di condolencia ta bai na su  
yui Sharyselle Kock, su rumannan y demas famia.*

*Alavez nos ta participa cu pa motibo di entierro  
nos oficianan na Oranjestad y Savaneta lo ta  
sera diamars 25 april 2023.*

*Nos ta desea su yui Sharyselle, demas famia y  
coleganan forza den e dianan dificil aki.*

*Cu nos colega Milly sosega na paz.*